

M 66 66







Eyne krefftige erwey-
fung des freyē willens vñ annemung
bey Gott / der Christlichen guthen
werck / aus heiliger göttlicher schrifft
vnd vernünfftigē vrsachē / von Con-
radten Bockshirn eynem einfaltigē
Schreiben vñ leszens vnuernemenden Bürger/
des Schuster handwercks zu Leiptzig /
aus christlichē eyffer / vñ trancksal sei-
nes gemütes / wunderbarlich zusas-
men gebracht / ynn diessen Ir-
rigen zeithen / nützlich vñ
seliglich zuleszen .

1888/29. 22.
Du hast disse ding den klugen vnd weys-
sen verborzen / vnd den einfaltigen
geoffenbart. Mathei. xi.



Faint, illegible text, possibly bleed-through from the reverse side of the page.



Es ist ia / Christlicher leszer / das hei-
lige Götliche wort / das der himlische
Vatter / die warheit des glawbens / den auffge-
blasen gelerten / ader hochnerstendigen vnd den
klugen dieser welt / verborgē. Aber dasselbige den
Kleinen / das ist den demütigen / ia paruulis / die
sich auch den Kleinen nicht vorsetzen / geoffenbart
Matth. xi. Derhalben du die einfalt des dich-
ters dieses büchleins / nicht pensiren adder schas-
tzen (welcher dasselbige aus zwang seines gewis-
sens / an den tag gebracht / vnd das pfund so ym-
der herr verlihen / nicht verbergen wöllen. Matt.
xxv. Luce. xix. Wiewol er schreiben adder lesen /
weder kan noch gelernt hat) Solt auch den inn-
halt desselbigen nicht verachtē / sondern dar bey
die gewalt vnd gütigkeit Gottes erkennen. Dar-
neben tzu hertzen / vnd darnon vrsach nemen / den
hochmut tzu fliehen / vnd die demut tzu vmbfas-
hen / dich auff deinen verstandt tzu wil nicht ver-
lassen / sondern dem geist Gottes (welcher allein
in der einigen waren Apostolischen Christliche
Kirchen erfunden wirt. Matt. xxviii. Johan. xiiii.
demütiglich zu vnderwerffen. Dann der auffge-
blasen hochmut ist (wie der heilige Gregorius
sagt) ein obstackel vñ ver hinderung der warheit
So widerstet auch Gott den hoffertigen / vnd
gibet gnade den demütigen. Jaco. iiii. vnd .i. Pet-
tri. v. Darumb das die weltklugē vnd gelertē sich
auff ire kunst vnd glugheit / tzu wil vermessen / vnd
die weisen auff die vorsichtigkeit / eygenn nutz

A ij

zu seer gedēckē/ so bleibt ihnen verborgē/ das liecht
des glaubens. Wehe euch die yr gelert vnd vers
stendig in ewrn augen seit / vñ klug bei euch selbs.
Denn Gott der die hochuerstendigen in yrer
stigkeit facht/ vnd den rath der schñoden
let/ der nimet die weißheit/ von den hochuer
digen/ vnd schneidt ab/ den verstand von den kl
gen. Job. v. Esaie. v. vnd. xxix. Hochobst
weißheit ader klugheit zu uerwerffen adder bös
geachtet/ Sonder ist dises allein darumb angezey
get/ das dises büchlein von den lesern/ vmb der
einfalt willen des dichters vnd gedichts/ nicht
verachtet/ vnd mer achtung auff den geist/ denn
auff die kunst gegeben werde. Dañ nach den wor
den des heiligen Pauli. i. Corin. viii. So blest die
kunst auff/ aber die liebe Gottes bauet. Das wir
dis alles betrachten/ vnd ja also in künsten zuneh
men/ das wir dardurch nicht in hoffart vnd ver
messenheit erhaben werden/ vnd vns dardurch/
von der einigkeit der heiligen gemeinen Christlis
chen kirchen abteilen möchten. Vale.

Ehre sey Gott dem herrn dem könige
der ehren.

Gottes wort thu seyn götlich gnade
yn vnns mehrn.

Gottes fryde thu nymmermehr von
vnns fehrn.



Gott ist krefftigk / das ist
tzuentzenn bey seynen
Creaturen / bey der Sonnen vñ
bey dem Monde / die haben eine
stete vnuerrückliche ordnung in
vrem lauff / Ein iar antwort dem andern mit den
tagen in der lenge vnd der kurtze. Die werlet wirt
erhalten in einer steten vnuerrücklichē ordnung.
diweil dy ordnung stete vnd vnuerrücklich ist / so
ist daraus tzunehmen / das die ordnung volko-
men ist. Ist dise ordnung volkomen / vil mehr ist
Gott volkomen der die ordnung gemacht hatt /
vnd alle creaturen in irer ordnung enthelt. Ist
Gott volkomen so ist er warhafftigk / vnd wenn
ehr nicht warhafftigk were / so köndt ehr nicht
volkomen sein. Ist Gott warhafftigk / so ist sein
Götlich wort war on alle betrigligkeit / vnd alles
das man Gott zumist oder zuleget / vnd Gott ny
met das an / das ist war / Gott ist das selbstendigk

ge wesentliche guth / davon alles guth sein / vrsprung hat / darumb ist Gott zu erwirdigē mit aller erwirdigkēyt.

Es sein eilff volkomenheit in Götlichem wesen / do mit man Got erwirdiget. Gott ist von ewigkēyt vnd tzu ewigkēyt / Gott ist almechtig in frid samer gewalt on alle zerstorunge. Got ist die freierkentliche weysheit / Gott ist die ausdringende gutigkeit / Gott ist die vnstreffliche gerechtigkeit / Gott ist die vnberriegliche warheit. Gott ist die freuntliche liebe. Gott ist das seilige anschawen in allen freunden. Gott ist vber alle mass / vber alles aussprechen vnd on alles ergrüntē. Gott ist stett vnd vnwandelbar on alle verwenigerung / Gott ist der herre vnd konig aller ehren / der alle gute von jm selber hat. Das seind eilff volkomenheit in Gott die der mensch erkennet aus dem lichte des glaubens. Gott der do ist das aller hochste gut / vnd bleibet Gott / darumb das er ist das aller beste gut / das der mensche müge dar tzu kommen / das er dis gut müge ewiglichen genissen.

Dani. 7. Gottes wort offenbaret dem menschen das Got
geschaffen hat / die Engel / vnd ein gros theil der
Psalmo 103. Engel ist von Gott gefallen / Das weniger theil
der menschen werden seilig. Christus spricht der
Watt. 7. wege zu der seiligkeit der ist enge vnd vbel gebent
wenig leute wandern den. Der wege aber tzu der
verdumnis ist weit vnd wol gepent / vnd vil leute
wandern den. Was ist dem menschen geben vor
ein gewisse lere das ehr wander den wege der ses

ligkeit / vnd vermeide den wegt zu der verdünnis? So weis ich kein gewisser lere denn das der mensche wander den weck / den gewädert haben dy seiligen / vnd vermeide den wegt den gewandert habē die verdünneten / wie vns Gottes wort offenbart vnd leret.

Gott ist also volkomen das ehr nymant darff / er ist ym selbs genugsam tzu aller freude vnd seiligkeit. Gott hat die seiligkeit van im selbst vnd van keinem andern. Er ist nicht allein seinselbst seiligkeit / er ist auch dy seiligkeit der vernüfftigen creaturen / Engeln vnd menschen. Die seiligkeit der creaturen stehet in Gottes anschawen. In Gottes anschawen ist zuhaben alles wolgefallen vnd behegligkeit / vnd ist ein vrsach der liebe. Er widerumb / die vernüfftigen creaturen / dy do wollen genissen ewiger seiligkeit / erfordert Göttliche gerechtigkeit von den creaturen ein wolgefallen vnd behegligkeit / vnd ein vrsache der liebe / Der freywillige gehorsame dinst / der do ist aus liebe der gerechtigkeit / das ist der wolgefallen vnd die behegligkeit vnd die vrsach der liebe die Gott hatt in den vernüfftigen creaturen Engeln vnd Menschen. Gott liebet in der gemeine alle creaturen / den er ist ein schöpfer aller creaturen / sōnderlich liebet gott die vernüfftigen creaturen / vom wegen des gehorsams / tzu nemen ein gleichnis. Ein vatter liebet sein kindt natürlich / wenn aber das kindt vornüfftig wirt vñ ist dem vater gehorsam aus rechter vernunft / so liebet der vater das kind aus dem gehorsam / also hatt auch Gott die vor

A iiii

nünfftigen creaturē auß dem gehorsam. Das ist
der gehorsam der vornünfftigen creaturen / Das sy
wircken das gutte / vnd vermeiden das arge.

Wenn Gott den Engel geschaffen hette das ehr
allein kündt das gutte vnd nicht das böse / so het
te Gott nicht gehabt die vrsache der liebe ann der
guten wirckung des engels / es hette auch der en
gel nicht gehabt die vbung des freyen willens.
Wen Gott allein den engel geschaffen hette das
ehr allein hette kündt wircken das böse vnd nicht
wircken das gutte / so were der engel Gott nicht
misheiglich wordē aus der bösen wirckung / es het
auch der engel nicht gehabt die vbung des freyen
willens / das ist gestragts wider Gottes gütig
keit das Got den engel also solte geschaffen habē

Gott hat den Engel geschaffen das er kund wir
cken das gutte vnd das böse. Würde er wircken
das gutte / so würde er Gott behechlich. Würde
er wircken das böse so würde er Got misheiglich
Dise regel hat Gott gegeben erstlich dem Engel
Gott ist almechtig vormochte den engel wol tzu
schaffen. Gott ist die frey erkentliche weisheit /
ehr wust wol wie ehr dem engel solt geben rechte
mittel vnd moß in seiner natürlichen krafft das
ehr Gottes dienst wol kündt vorbringen / vnd des
engels vordinst / vordinstlich were. Gott ist das
ausdringende gutt / hat seiner Götlichen gütte /
in der schöpfung des engels nicht gespart.

Der engel het einen erleuchtē verstant der erkent

net das Gott sein schoppffer war den er erwir/
digen solte von wegen seiner gute / vnd darumb/
das der engel hette die woldath von Gott empff/
angen / der engel hett ein gutt gedechtnis / kundt
bedencken das er aus gerechtigkeit Gott schul/
dig war den gehorsamen dinst / er hett ein freyen
willen / ehr mochte Gott dienen / er mochte auch
Gott nicht dienen. ¶ Der schönste Engel Lu Esai. 14.
cifer der wolt Gott nicht dienen vnd name yhm
für / zusetzen seinen stuel gegen der mitternacht /
vnd wolt gleich sein dem allerhöchsten / darzu rei
tzt er die andern engel das sie solten willigen tzu
seinem vnrechten fürnemen. Ein teil engel willi/
geten mit dem engel Lucifer / ein teil engel vielen
in einen arglistigen tzuweiffell / das gröste teill der
engeln setzte sich wider das vngerechte fürnemen
Lucifers / vnd gaben sich freiwillig yn Gottes
dienste / vnd gros würdigeten Gott aus liebe der
gerechtigkeit. Dise gehorsame engel haben erlan
get von gott die gabe der bestädigkeit das sie von
Gott nicht können gescheiden werden / vnd Got
hat ynen geben die geniessunge ewiger seiligkeit /
Alle die engel die Got nicht gehorsam warn sein
von Gott ewig verstoffen.

Der do ist das erste anheben eines dinges der ist
auch der anfang des selbigenn dinges. Gott ist
das erste anheben aller creaturen / ehr ist auch ein
anfang aller creaturen. Gott hatt alle creaturen
seer gut geschaffen dartzu ehr ein ygliche creatur
geordnet hatt. Gott hat den engel vnd menschen
geordnet tzu seinem Gotlichen dinst / vnd hatt

B

dise seer gut geschaffen. Der gehorsam engel hatt
dise güte die er hat empfangen von Gott wol ge-
braucht/vnd hat die vnuerwandelt gelassen/vnd
sie aus freyem willen gemeret/darumb ist Gott
tzuerwirdigen das er allen engeln solche güte ge-
geben hatt/des ist tzuerwirdigen der gehorsame
engel/das er dise güte gemeret hat. Der vngehor-
same engel Lucifer hat dise güte die er hat emp-
fangen von Gott vbel gebraucht/vnd hat die aus
freyem willen verwandelt in das böse der sünde.
darumb so ist Lucifer das erste anheben der sün-
de/vnd ist ein anfangk aller sünde.

Das der engel kundt sundigen vñ kundt nicht sun-
digen/darumb war der engel gut das ehr erkens-
net das die sünde vnrecht mar/vnd sündiget nitt
Darumb wurde der engel noch besser das er lies
das böse vnd thet das gutte/darumb wurde der
engel auffs aller beste/nach dem als er ist ein crea-
tur/vnnd dis ist der wegk den do hat gewandert
der engel tzu der seiligkeit. Tzum andern mall
das der engel kunt sündigen vnd nicht sündigen/
darumb war der engel böß das er verlys das gut-
te vnd verharret in dem argen/darumb wurde
der engel vffs aller böste/das ist der weg den der
engel dat gewandert tzu der verdünnis. Dise ge-
schicht offenbart Gottes wort dem menschen/
das ehr daraus neme ein ebenbilde. Gott sprach
Job. 38. durch den mundt Job O mensch wu warest du
do mich die engel gross erwirdigeten/vnnd mir
dineten. Do zeiget an Gottes wort den dienst der
engel/eh der mensche geschaffen wahr/vnd thut

dem menschen ein yinnerlich vermanung das ehr
auch Gott dienen soll außs liebe.

Do die volkumen zal der engel verwenigert war
durch den val Lucifers/hat gott geschaffen zwe
ne menschen ym Paradeis. Adam vnnnd Euam/
das diese zwene menschen erfülleten die veruene
richte zal der engel. Gott hat geben Adam vnd
Eua eyn gebott das sie mit dem gehorsam dieses
gebotts solten Gott dienen/würde Adam vnnnd
Eua Gott gehorsam sein/so würden sie mit irem
nachfolgeden geschlechte von Gott erlangen die
gabe der bestendigkeit/vnd entlich den eingang
vnd die geniessung ewiger seiligkeit. Wenn sie as
ber Gott vngehorsam würden/so würden sie er
langen die vnbestendige gebrechlichkeit. Gott ist
ordentlich in seiner gerechtigkeit/der mensch hat
erlanget die vnbestendige gebrechlichkeit aus dem
ungehorsam Adams.

Gott hat begabet Adam vnd Euam in der sch
oppfung das sie haben gehabt rechte mittel vnd
mass yn yren natürlichen kresssten/das sie Got
tes gebot wol knten halten vnd das ynen yr ge
horsam bey Gott verdinstlich were. Adam vnnnd
Eua haben gehabt einen erleuchten verstandt/
haben erkant das Gott yr herre vnnnd schöppfer
ist/der alle creaturen geschaffen hatt/vnd das sy
die wolthat von Gott yn der schöppfung entpf
angen haben. Sie haben gehabt ein gut gedecht
nis/vnnnd haben konnen bedencken das sie Gott
schuldig weren/sein göttlich gebot zuhalten/vñ

B ij

kenneten den sententz der straff/den yn Gott ge-
offenbaret hatt/wenn sie Gott vngheorsam wur-
den sein/so würden sie sterben/sie haben gehabt
einen freyen willen/sie mochten Gott gehorsam
ader nicht gehorsam sein. Adam vnnnd Eua sein
Gott vngheorsam worden/vnnnd sein durch den
vngheorsam mit yrem nachuolgenden geschlech-
te gefallen yn Gottes straffe.

Do Adam vnd Eua hetten gesundiget/do war
die gantze menschliche natur in der höchsten an-
ligenden noth/vnnnd war von nöthen ein gewisser
volkomener erlöser. Gott hatt sich erbarmet vber
das menschliche geschlechte/vnnnd hat dem mit
der tzeit geben einen gewissen volkomen erlöser/
Solt der erlöser gewis vnnnd volkomen sein/so
musste er können verdienen/vnd musste nicht kön-
nen sündigen/solte das gescheen/so musste Gott
machen ein new ding/vnd das ist das new ding
Gott hat ym außserwelet ein reine keusche Jung-
fraw/mit dem nomen Maria. In dem leibe die-
ser iungkfrawen ist formirt vnd gemacht wordē
ein mensche/sünderlich aus wirgkunge des heili-
genn Heistes on tzuhuung menliches samens/
Dieser mensche hatt an sich genummen die Got-
heit/die person Gott der sone/vnd hat sich ver-
einiget in dem leybe der iungkfrawen/durch ein
vnaufflösllich bandt/Der mensch ist genant Ch-
ristus/darumb das er vereiniget ist mit der Got-
heit/vnd ist ein geber aller gnaden.

Das sich Gott vereiniget hat mit der menscheit

das ist gescheen von wegen tzeier vrsachen/der
mensch hat gesündigt wider Got der do ist das
vnenlich guth/vnd das gantze menschliche ges
schlechte/kundt die sünde mit einer entliche bues
nit büßen/do aber dy menscheit vereiniget wart
mit der Gottheit/do war der mensche Christus
solch erwidiges guth/das es ein entliche bues
gnugsam war für aller menschen sünde/vnd das
ist die erste vrsach/das sich Gott vereiniget hatt
mit der menscheit.

Got hatt geben dem Engell vnd Menschen das
sie knten verdienen/knten sündigen/vnd nicht
sündigen/vnd wenn sie nicht sündigeten vnd wir
cketen das gutte/so war der dinst verdinstlich/
Do sich die Gottheit hette voreiniget mit der me
nscheit/do wahr der mensche Christus solcher
vberflüssiger ehrwürdigkeit/das es wahr wider
Gottes willen/das dieser mensche solte knnen
sündigē/darumb aber das Christus nach seiner
menscheit nicht empfangen ist/nach dem lauffe
der natur/sünderlich aus Wirkung des heiligē
geistes/so ist Christus vnschuldig der erbsün
de/er ist auch vnschuldig tzu sterben für das men
schlich geschlechte/vnd das ist die ander vrsache
das sich Gott hat vereiniget mit der menscheit/
denn es war dem menschlichen geschlechte von
nötten eyn gewisser volkomener erlöser/der do
knt verdienen vnd nicht sündigen.

Christus hat mit seinem gehorsam gebüßet die
sünde Adam/so hat doch Gott auffgeleget eyne

B iij

bues für seine wirkliche sünde / diese bues erbet
auff das gantze menschliche geschlechte / das ist
die bues / das der mensche mues leiden einen sch
mertzlichen todt / von wegen der gerechtigkeit /
vnd der warheit des glaubens / so hatt Christus
erfület mit seinē gehorsam aller menschen bues
Darumb so hat Gott der vater Christus auff
geleget / das er soll leiden den allerschmertzlich
sten schmelichsten todt / Kein mensche erger sich
in dem gecreutzigten / denn ehr ist warhafftiger
messias. Diese wolthet die der mensche hat em
pfangen in der schöpfung vnd in der erlösung /
die schlies der mensche in sein gedechtnis / vnd
stelle die in keine vergessung / das er möge erlang
en die dritte wolthat das ist die genießung ewis
ger seligkeit.

Dieweil Christus hat reichlich gebüßet die sün
de Adams / vnd Got hat doch auffgelegt Adam
ein bues für seine sünde / so ist daraus zunehmen
vnd gewis tzu erkennen / wenn der mensche wirts
lich sündiget / so erfordert götliche gerechtigkeit
vonn dem sündler eine wirkliche bues nach des
sünders vermügen. Bues ist ein peiniger gehor
sam. Die peinige bues ist ein widergeltunge got
tes gerechtigkeit / wenn der mensche willig vnd
gerne wirkliche bues thut für seine wirkliche
sünde / aus liebe der gerechtigkeit / vnd erkennet
das seine bues wenig ist / tzu widergeldung got
tes gerechtigkeit / vnd bit das ime Got aus barm
hertzigkeit wölle mitteilen den verdinst Christi /
Wenn der mensche also ördentlich gelebt / vnd

vertrawet auff Gottes barmhertzigkeit vnd auff
den verdienst Christi/so werden den mensche hin
wegk genomen seine sünde durch das vnschuldige
geleinlein Christum.

Die ersten wort die Christus vnd Johannes ge
prediget haben/haben sie gesprochen/thut busse
Aus den ersten Worten der predigete Christi vnd
Johannis ist zuuernemen das dem menschen dy
busz am aller ersten vonn nöthen ist. Johannes **Matt. 3.**
spricht/thut wirdige frucht der busz/das ist das
anheben der busz/das der mensch seine sünde be
reue vnd hab ein wyderwillen wyder die sünde/
vnd betrübe sich vmb seine vorgangne sünde / vñ
straffe seine sünde selber/vnd thu das guthe vmb
das arge das er gethan hat. Wenn Gott des mens
schen sünde strafft / so leyd der mensch die straffe
mitt gedult/das seind wirdige fruchte der busse.

David der hat sich betrübet vmb seine sünde /
das ehr sein beth hat gewaschen mit seynen zern **Psal. 6.**
Im grossen durste hat ehr seynem hertzen versas
get eynen trungk wassers / darumb das ehr seyn
hertz belüstiget hett mit der sünde/Do gott straf
fet dy sünde Davids mit der pestilentz/das vom **2. Reg.**
morgen bisz zu der vesperzeit warn gestorben. **24.**
Lausent/der Engel kam vber Hierusalem mitt
dem blutigen schwert / do David das erkandt /
sprach ehr / O herr straffe mich/ ich byn der vbel
theter der gesundiget hath / was hat das arme
folgk gethan / David fragete den Propheten
Bad / was er solt thun das ehr versünet Gottes

B iij

zorn / **Sad** sprach / **Richt** auff ein altar / **David**
richtet auff ein altar **Gott** zur ehrenpietung / do
höret auff die pestilentz den ersten tagk / die do
solt regirt haben drey tage. Also thu der mensch
busz noch dem ebenbild **Dauids** / **Der** prophet
Dani. 4 **Daniel** spricht / **Erlöse** deine sünde mith almus
Eccle. 3. sen / **Vnd** der weyse man spricht / das almusen

lescht aus die sünde / wy das wasser das feur.
Wenn ein mensch kan busz thun / vnd wil nicht
wirgkliche bus thun vor seine wirgkliche sünde /
der stelt zurücke die gerechtigkeit die ehr **Gott**
schuldigk ist / vnd hat etwas von dem der eynem
andern schuldig ist vnd wil yhm nicht abzalun
ge thun von dem seynigen nach dem vormügen /
vnd will alleyn den bezalen lassen der do vnschül
digk ist / der gebraucht nicht die gerechtigkeit /
Der mensch hat von **gott** das ehr kan busse thun
vor seine sünde / der do nicht busz thut von dem
das ehr von **gott** entpfangen hat / der gebraucht
Luce. 13. vngerechtigkeit / **Christus** spricht / **Es** sey denn
das yhr busz thut / so wert yhr alle miteynander
verderben.

Der gehorsame dienst **Christi** domit ehr vordies
net hat hinwegk zunemen die sünde des mēschen
Der vordienst **Christi** stet yn **Gottes** handt vnd
ist eyne gabe **gottes** / **Gott** gibet diese gabe den
menschen / aus güthiger lyebe vnd barmhertzig
keit / **Der** mensch der do wil erlangen diese gabe
Johā. 14 von **gott** / der muss **gott** wyderumb liebē / **Chris**
stus spricht / **Wer** mich lieb hat / den wil ich wy

derumb lieb haben / vnd will mich yhm selbest of-
fenbaren / Christus offenbart sich dem mēschen
mitt der tröstung seiner gnade / Der mensch der
do gott lieb hat ynn der warheyt / der liebet auch
gottes gerechtigkeit / Liebet ehr gottes gerech-
tigkeit / so liebet ehr auch die straffe vor die sün-
de / vnd auch die busse die ehr gott schuldig ist
aus gerechtigkeit / vnd aus der liebe wircket ehr
busse / Der mensch der do nicht liebet die straffe
der busse / die ehr gott schuldig ist aus gerechtig-
keit vor seine sünde / der wircket nicht busse aus
liebe / Der mensch der nicht liebet gottes gerech-
tigkeit / der lybet auch Gott nicht inn der war-
heyt / ehr liebet alleyn die wolthet die ehr von
Gott entpfangen hat / vñ dy eh hofft von Gott.
Wenn der mensch Gott nicht liebet / wie wil eh-
den erlangen die gabe des vordiensts Christi die
Gott gibt aus gütiger liebe vñ barmhertzigkeit.

Christus spricht / ich byn der wege der warheyt
vnd das leben / In diesen wortten gibt Christus **Johā. 14**
zuorstehen drey ding / das ehr spricht ich bin
der wege / zeyget ehr an den gehorsam / das ehr
spricht / ich bin die warheyt / zeyget ehr an / das
ehr ist der warhafftige Messias / das ehr spricht
ich bin das leben / zeiget ehr an / das ehr ist das le-
ben der sele / hie mit genade vñ dorth mit genieß-
ung ewiger seligkeit. Gott der vater hat von an-
beginne geliebet den gehorsam der Engeln vnd
der menschen / Christus hat gelert den allervol-
komesten wege des gehorsams / Es ist keyn men-
sch erfunden wordē / der gelert hett einen solchen
E

Matt. 17

volkomen wege des gehorsams / als Christus
gelert hat. Die Jüden vnd alle die Christum ni-
cht bekennen / die können nicht widderprechen /
denn das Christus gelert hat den vollkommesten
wege des gehorsams noch Gottes wille / Wie
Christus gelert hat / so hat er auch selber gewan-
dert den wege des gehorsams nach aller vollkom-
menheit / aus der aller größten vnd höchsten liebe
vnd aus der aller größten vnd tyeffsten demuth /
vnd hat dem menschen geben eyn ebenbild / das
ehr sol wandern den wege des gehorsams / aus
liebe vnd demuth. Gott der vater spricht / das ist
mein eyniger son / inn dem habe ich ein wolgefals-
len / den solt ir hören / Gott hat alle dingē yn sey-
ner handt / gottes willen kan nyemands wider-
streben / Gott hat nicht gewolt das eyn falscher
Messias solt leren den vollkommesten wege des ge-
horsams / vñ das ehr selber solt wādern den wege
des gehorsams mit aller volkomenheit / dar bey
sol man erkennē / das er ist der warhafftige Mes-
sias / der mensch der do nochfolget Christo inn
dem gehorsam vnd bleybet bestendig in der war-
heit des glaubens / den selbigen ist Christus das
leben / hie mit gnade vñ dort mit ewiger seligkeit.

Der christlich glaube ist auff gericht aus gottes
Krafft / Christus ist veruolget worden in den toth
der marter / Seine Aposteln seint also vorfolget
worden inn toth der marter / Bey drey hundert
jaren / noch Christus leyden seindt die Christen
menschen vorfolget wordē in den toth der mar-
ter / yhe mehr Christen gemartert worden / yhe

mehr mēſchen tratten zum chriſtlichen glauben/
Wenn der chriſtliche glaube alleyn wer aus der
Krafft des menſchen / vnd wer nicht aus Gottes
Krafft / ſo wer ehr balde ausgeleſcht worden dur
ch die vorfolgung der marter. ¶ Der Chriſtli
che glaube wirt erhalten aus Gottes Krafft / Vyl
falcher Propheten haben die warheyte des chriſt
lichen glaubens wöllen vorfelfchen / die ſelbigen
falſchen Propheten werden ſeyn biß zum endt
der welt. Wenn Gottes Krafft nicht erhielt die
eynigkēyete deß chriſtlichen glaubens / ſo würde
ehr gar falſch gemacht durch die falſchen Pro
pheten. ¶ Der chriſtlich Glaube iſt gantz wun
derſame vnd menſchlichem vorſtandt vnbegreif
lich / Wenn gottes gnade nicht erhielt den glauben
yñ den hertzen der menſchen / ſo würden die men
ſchen den glauben ſelber auſleſchen aus irem her
tzen / Darumb das ehr iſt ſo gantz wunderſam /
vnd den menſchen vnbegreyflich / Darauß kan
man nemen / das der chriſtliche Glaube auffges
richt iſt aus Gottes Krafft / vñ wirt erhalten aus
Gottes Krafft / vñ iſt der eynige warhaſtliche glau
be / vnd kein ander glaube kan war ſein / bey die
ſem glauben .

Di weill nun gleichwol der Chriſtliche glawbe
ſo gewiß warhaſtlich / vnd die bekennen Chriſti
tzwiſpeldig ſeindt yn glauben / auff das dy recht
glaubigen erkent werden / ſo beſchleußt der glaw
be deß Chriſtlichen Conciliums yn ſich das der
menſche geſeiliget werde im ſacrament der Lau
ffe / vñ ſey gerechtfertiget außs Gottes gnade

vmbfunst/durch den verdinst Christi. Wen aber
der mensche hat seinen natürlichen verstandt/so
sey der mensche schuldig den freywilligen gehor
samen dinste/der do ist aus liebe/bei verlust got
tes gnade/die gnade die do gibet dem menschen
das leben der selen/darumb so hat das Concili
um auffgericht ein getzierten Gottes dinste/hat
gemacht gesetzte vnd gebott das man sal Got er
würdigen mit dem gesetzte des Conciliums.

Disem einigen glauben wirt widersprochen/vor
nemlich yn dreien stücken. Zum ersten das dem
menschen nicht von nöten sey der gehorsame di
nste/bei verlust Gottes gnade/der verdinst Chr
isti sey alleine gnugsam den menschen zuseiligen/
wenn er allein glewbe. Zum andern wirt vor
worffen das gesetzte des Conciliums. Zum drit
ten wirt darnider geleget der frey wille des men
schen/mit widersprechung das der mensche nitt
habe einen freyen willen. ¶ Wir haben

Eph. 4 einen Gott vnd Christum/vnd einen glauben/
vnd eine Lauff/was wirt gegeben dem einigen
warhaftigen glauben vor ein gewisses tzeichen/
das der mensche den erkenne vnd möge wandern
yn der warheit des glaubens/den wege der
seiligkeit/Was wirt geben dem falschen glaubē
für ein gewiss warhaftig tzeichen der falscheit/
das der mensche möge entpfliehen diser falscheit
Ich weis kein gewisser tzeichen tgeben dem
warhaftigen glauben/denn der glaube der yn
sich beschleust Gottes ehre/vnd schleust aus got
tes vnehre/das gibe ich für ein gewisses tzeichen

des vnwarhafftigen glaubens/der glaube der yn
sich beschleust Gottes vnehre/vnd verwenigert
Gottes ehre in seinem beschlies/das ist ein war-
hafftig tzeichen eines falschen glaubens Das
der mensche möge erkennen dise zeichen/so will
ich bewegen drei fragen. tzum ersten von dem vor-
dinste des menschen / tzu dem andern/von dem
gesetze des Conciliums/zum dritten vom freyen
willen.

Christus spricht /wer do gleubet der wirt nicht
gericht Paulus spricht Ir seit gerechtfertiget/
aus Gottes gnaden vmbsonst/vnd spricht/alles
das Gott dem menschen gibet/das gibet ehr yn
aus gnade. Ober disse sprüche hebe an/vnd thun
die ersten frage. Ist der mensche Gott schuldig
den gehorsamen dienste bei verlust Gottes gena-
de/tzu dem verdinste Christi/Kan auch der mens-
sche bey Gott verdienen/aber ist der verdinst Chr-
isti genugsam/wen der mensche alleine gleubet?

Johā. 3.
Ro. 4.

Antwort vber dise fragenn.

Do Adam hette gesundiget vnd sahe Gott von
fernnt komen/aus scham vnd forchte vorbargt
ehr sich im Paradeis do die beumen am dicksten
waren/Gott sprach Adam wu bistu/do Adam
seine sunde nicht bekennet vor Gott/batt got nit
vmb barmhertzigkeit/vnd wolt sich entschuldigen
von seiner sunde/do bekeret sich Adam nicht
van seiner sunde widerumb tzu Gott/nach got-
tes willen. Gott ist fridsam yn ym selbst/sein güt
L iii

Gen. 3.

tige barmhertzigkeit ist nicht wider die gerechtigkeit/seine gerechtigkeit ist nicht wider die güttige barmhertzigkeit/Gott ist einich vnd stete ynn seinem Göttlichen willen/Wenn Gott Adam hette gelassen ynn dem standt do ehr erstlich ynn war/so were Gottes barmhertzigkeit gewesen wider die gerechtigkeit/vnd Adam wer künner zu sündigen wurden/dann ehr erstlich was/darumb das yhn Gott nicht gestrafft hett mit gerechtigkeit/Wenn Gott Adam begabet het mit der gabe der bestendigkeit/vnd hett yhn allein wollen seligen aus dem vordienst Christi/so wer Adam des vordienst Christi halben Gott behechlich gewesen/aber seinet halben wer er Gott mishechlich/denn ehr hat gesündigt/vnd het sich nicht bekeret von seiner sünde nach Gottes willen.

Do yhm Adam vorgenommen hett sich zuentschuldigen von seiner sünd/do ent sich die sünd zu der straffe/das Gott nicht lenger die sünd wolt vns gestrafft lassen/Gott hat die sünd Adams aus gerechtigkeit gestrafft/vnd hat die straffe vntermischet mit barmhertzigkeit/mit einer zeitlichen straffe/Gott hat Adam mit dem menschlichen geschlecht geordenet yn einen standt/das der mensch mag Gott behechlich werden/Er mag yhme auch widderumb mishechlich werden/Gott hat die welt vmb sunst geliebet/vnd hat dem menschlichen geschlecht erstlich diese gnad geben/das der mensche mit Gottes gnade mag Gott behechlich werden/es ist kein ander vrsach zu gründen die den menschen betrifft/darumb das er se

ligt wird denn das er Got behechlich ist/Es ist
kein ander vrsach zu gründen die den menschen
betrifft/darumb das er vortumbt wird/den das
er Gott misshelich ist/Der mensch wird Gott
behechlich ynn zweien stücken/Zumersten / aus
ein gantzen glauben/der da ist on allen abbruch
vnd on allen falschen zusatz/Zu dem andern wirt
der mensch Gott behechelich/aus einem demüß-
tigen gehorsam/der da ist aus liebe/der mensch
wird Gott misshelich aus dem vnglauben/
vnd aus ein falschen glauben / auch wird der
mensch Got vnbeheglich von wegen seines vn-
gehorsams.

Do Adam entpfangen hett Gottes straffe vor
seinen sundlichen vngehorsam/do hat erkennet
Gottes gerechtigkeit vnd wie gut es were gewe-
sen/wenn ehr bestendigk blyben were aus liebe/
Es ist zumercken/das Adam hat gehabt grosse
traurikeit vber seine sunde/hat auch gehabt gro-
sse liebe tzu Gottes gehorsam/nach seinem fahl.
Alles das Gott wirgket/das ist volkomener vnd
besser yn seinen natürlichen krefftenden das die
natur wirgket.Gott hat der menschlichen natur
geben die krafft/das ein mensche den andern wir-
gke.Gott hat Adam gewirgket in seinem Götli-
chen wergke/so ist Adam besser geweest dan ande-
re menschen nach gemeinem lauffe der natur/so
volget daraus das Adam allen mensche solt vber-
treten haben in dem alter vnd langleben. Was
thusalem hat Adam vbertreten im alther vnd
langleben. Es ist tzu spüren das Adam ein abe
L iij

Pro. 17.

bruch gescheen ist in seinen natürlichē Kressen/so
kan man nichts anders spüre den traurigkeit die
er hat gehabt vber seine sunde/vñ vber seine kinde
re/dañ ein trauriger geist/trucket aus die ynnere
liche feuchtigkeit in dem gebeine des menschen/
wenn ein mensch reich ist/vnd wirt arm/so hatt
ehr traurigkeit/darumb das er arm worden ist/
Adam war reicher im paradeis/denn alle mens
schē seind auff erden/yn jrdischen dingen. Adam
ist traurig worden vnd hat gehasset die vrsache
seines vngheorsams der ym die armut gebracht
hatt/vnd widerumb hat ehr geliebet den gehor
sam der ym ein forderung gewest ist zu der selikeit

Wir menschen auff erden möchten alle woll tzu
gemüte nemen/vnd bedencen vnser armut/vnd
hassen den vngheorsam der vns yn solch armuth
gebracht hatt/vnd lieben den gehorsam/welcher
vns ein forderung ist tzu erlangen das reichumb
ewiger seligkeit/der mensch ist sehr arm in seiner
stercke vnd gesuntheit des lebens/noch vil ermer
in der bestendikeit/dañ er van natur geneiget ist
zu sundigen/welches ist die gröste armuth aller
menschen nach gemeinem lauff. auch ist es ein fer
ligkeit das er aus disser armut komme/in die ewi
gen armut/dorumb solten alle menschen Gott
teglich bitten vmb seine genade/das sie möchten
bestendigk bleiben in dem gutten/wir bethen vn
ser teglich broth gibe vns heutte in diser bitt/wir
vormelden das tegliche broth einen einigen tagk
dar bei ist zuuemercken/das wir alle tage Gott
sollen erwirdigen mit vnserm gebete/wie wir bit

ten alle tage vmb vnser teglich broth/so sollen wir
auch alle tage bitten/das wir möchten bestendig
bleiben in dem gutten/damitte nicht eingeleitet
würden in die verkerunge der funde/Gott wölle
vns erlösen vor solchem ybel.

Wenn wir vnser vermügen thun mit Gottes ge-
nade/so werden wir aus diser armut erlangē dye
reichtumer der seligkeit. Der Teuffel der sich het
gedicht in die gestalt der schlangen/vnd hat mitt
seinen lügen Euam eingeleitet/in die verkerung
der funde/Gott sprach zu disser schlangen/tzwi- **Gen. 3.**
schen deinem samen vnnnd des weibes samen will
ich setzen feintschafft/der samen von dem weibe
sol dir dein heubt zur knirsche. Inn diesen worten
gottes/erkēnet Adam vñ Eua/das ir straffe zeitli-
ch was/vñ Gott wolt sie entlich aus barmhertzi-
ckeit erlösen/durch ein mitler/Der mitler da dur-
ch das mēschlich geschlecht erlöset wirdt/der ist
Christus/denn Adam vnnnd Eua gleubeten ynn
den mitteler/do gleubeten sie ynn Christum/die-
se zwene menschen waren die erste samlung Chri-
stlicher Kirchen auff erden/als Adam vnd Eua
sich hetten bekeret von yhrem vngheorsam wid-
derumb zu Gott/nach Gottes willen/vnd glen-
beten die erlösung/dastund Adam vnd Eua inn
der rechtfertigung/wie Abraham zu gezelt wird **Gen. 15.**
die rechtfertigung von wegen des glaubens/also **Rom. 4.**
wird allen menschen zu gezelt die rechtfertigung
aus dem glauben/Wollen die menschen bleiben
ynn der rechtfertigung/so müssen sie volbringen
Gottes gehorsam/wie Abraham Gott gehor-
sam ist gewest.

D

Die Kinder Christlicher Kirchen erwachsen ynn
dem glauben aus der offenbarung Gottes wort/
also sind auch erwachsen die Kinder Adams /ynn
dem glauben /von offenbarung Gottes wort wie
die mutter Christlicher Kirchen gibet die lere /
das man Gott sol erkennen /seinen Göttlichen
willen vorbringen /also hat auch Adam seinen
Kindern geben die leer /das sie Gott sollen erkens
nen vnd seinen willen vorenden /Wenn alle mens
schen hetten gewandert ynn yhrem leben /nach
Gottes willen vnd gehorsam /so weren alle men
schen seligk worden aus dem vordienst Christi/
Das aber alle menschen nicht seligk werden / ist
die vrsach /Erstlich sein die menschen gefallen yn
Gottes vngheorsam /vnd vorfinstert darynnen
mit yhrem suntlichen leben / darnach komen sie
zu der finsterheit des ynglaubens /Gottes wort
gibet warhafftige gezeugniss vber die sunde der
menschen vnd macht ein vnterscheidt ynn der ge
zeugniss /wenn der mensch sundiget mit dem vns
gehorsam /so zeigt Gottes wort an den vnge
horsam der menschen / wenn der mensch sundi
get mit dem ynglauben so offenbart Gotts wort
den ynglauben der menschen. Zu der zeit Noe
sundigeten die menschen mit vnkeuscheit /welchs
ist die freude vnd lust /vnordentlich widder Got
tes willen vnd gehorsam /Gott lies sagen durch
Noe den menschen /hundert iar zuvor die straffe/
die menschen sundigeten ane furcht /vnd frage
ten nicht nach Got /vnd ihre eigene straffe /Gott
lies ertrencken alle mēschen /bis auf acht mēsch
en die mit Noe erhalten wurden /ynn der archen.

Gen. 6.

Nach der sündflut da sich das menschliche ges-
schlecht widerumb gemehrt hat/sind die men-
schen gefallen ynn den vngheorsam vnd verdun-
ckelt ynn yhres hertzen synne/daraus volget das
sie sind komen ynn die dunckelheit des ynglaus-
bens/zuder zeit Abrahams warē alle menschen **Rom. 1.**
yngleubigk/wenn allein Abraham hat gegleubet
mit den seinen/das war die zeit des ynglaubens
der menschen/sie hetten Gott vorlassen vnd bet-
ten an die Creatur vnd waren vnterscheiden ma-
nichfaldigk yñ dem ynglauben/vnd betten an die
schlimmen Creaturn/Es ist wol hoch zuuerrun-
dern das die menschen solcher grosser dorheit
des ynglaubens komen sein/wenn ein gleubiger
mensch ist ynn Gottes gehorsam vñnd gnad/so
ist es vnmüglich/das er one mittel komme zu der
dorheit des ynglaubens/Es ist kein ander mit-
tel das den menschen bringet zu dem ynglauben
denn der sundliche vngheorsam vorblendet den
menschen vnd kommet yn Gottes vngnade. Vor
der zeit Christi waren die Jüden recht gleubigk/
sie gleubeten yn Gott inn den zukunfftigen Mes-
sias/do aber Messias kam/do wolten sie den nis-
cht annemen/das er Messias were/das war die
vrsach/Christus spricht/Es ist ein liecht kom-
men ynn diese welt/die menschen haben mehr ge-
liebet das finsterniss denn das liecht/denn yhre
werck waren böse/do ist es offenbarlich das der
vngheorsam der Jüden hat vurfürt ynn den yn-
glauben/Gott wil nicht das der mensch sol yn-
gleubigk odder vngheorsam sein/er wil das der
mensch sol probiret werden yn glauben vnd ynn

D ij

Johā. 3.

1. Cor. 11. dem gehorsam / Paulus spricht yhr müßt geprobirt werden wie das goldt ym feuer / wenn die Christliche samlung ist ynn dem fried des glaubens / vnd der mensch hat nicht sonderliche anfechtigung von wegen des glaubens / also wird der mensch nicht geprobirt ynn dem glauben / od der alzeit wirdt der mensch geprobiret ynn dem gehorsam / die Creatur darynnen man sich belüstige magt / die seind dem menschen fürgesetzt zu einer probirunge / wie ein maus / Wenn sich der mensch vnordentlich belüstiget mit den creaturen wider Gottes willen vnd gehorsam / so wirt ehr bestrickt mit tötlicher sunde / wy ein maus in eyner fallen die do mus sterbē / das ist das anheben eynes sündlichen lebens. Das volck eyner stat ad der eines landes die forsinstert in yhren sündlichen leben / darnach folget der vnglaub / das ist der eyngangt aller vngleubigen menschen / also fallen abe die christē von der warheyte des glaubens.

Heb. 11. Paulus spricht / es ist vnmüglich das der mensch müge Gott beheglich werden on den glauben. Der mensch der do warhaftigk gleubig ist / der gleubet / das ist das selbstendige wesentlich vnd das ausdringende guth / da vonn alles seyn vrsprungt hat / es gleubet auch der selbige mensch / das ehr Gott schuldigk ist den gehorsamen dienst bey vorlust Gottes gnade dye do gybet dem menschen das leben der sele / Der mensch der do nicht gleubet / das ehr Gott schuldigk ist den gehorsamen dienst / bey vorlust Gottes gnade / der thut dem gantzen glauben eyn abbruch / das ehr

gybet Dem glauben alleyn die behaltung Got-
tes genade vnd den eyngangk ewiger seligkeyth/
vnd schlenst aus Gottes gehorsam / ynn dem
thut ehr dem bekenthnisz des glaubens eynen
falschen zusatz / vnd gybet yhm nicht den ehr im
geben soll.

Das ist der yrrige vnglaube der zu vnsern tzeiten
gancckhafftigt ist / wir betten / vorgib vns vnser
schuld / als wir vorgeben vnsern schuldigern / yñ
dieser bitte wirt gebeten die seligkeyt vñ vorthüm-
nis / der mensch der do vorgibet seynem nehisten
der bitt die seligkeyt / das ist ein stück des gehor-
sams. Der do seinen nehisten nicht forgibet / der
pitt die forthümmis / das ist ein stücke des vnges-
horsams / vnd wie wir pitten so sollen wir auch
glauben / vnd wen wir nicht glauben / wie wir pit-
ten / so glauben wir nicht recht / ein ytlicher mens-
sch erken sich selber ob ehr rechtgleubigt sey aber
nicht / wie der mensch gleubet seyne seligkeyt vnd
seine verthümmis ynn diesen zweyen stücken des
gehorsams vnd vnghorsams / also soll der mens-
sch auch glauben / das ehr ist im stande der selig-
keyt / wenn ehr Gott ynn allen stücken gehorsam
ist / ehr sal auch glauben das ehr ist im standt der
vorthümmis / wenn ehr Gott vnghorsam ist / als
so ist zuuornemen. Christus do ehr spricht / Wer **Johā. 3.**
do gleubt wirt nicht gericht / wenn der mensch
Gott gehorsam ist / wie ehr gleubet so wirt ehr ni-
cht gericht zu ewiger vordammis / er wirt gerecht
erfunden yñ Gottes gericht / wie wol Christus
der richter ist aller menschen / so richt doch das

D iij

Rom. 2. gewissen des vngheorsamen menschen selber tzu
der vorthünnis / darumb das ehr vngerecht ist.

Esa. 64. Des menschen gerechtigkeit ist wie ein thuch be
fleckt mitt frawlicher Franckheyt / gilt auch des
menschen gerechtigkeit vor gott. In dem anfang
der werlet hatt gelebet Abel der gerecht for dem
ende der werlt / wirdt die vorfolgung also groß

Mat. 24 werden / wenn es möglich wehre / würden auch
die gerechten abe fallen / also werden allezeit ge
rechte menschen erfunden on welcher gerechtig

Mat. 5. keyt sich Gott genügen leth / Christus spricht /
Es sey denn / das ewre gerechtigkeit größer sey /
wenn der schriftweysen vñ der gleiszner / so wert
yhr nicht eyngehen ynn das Reich der hymmel /
aus hertzlicher liebe sal der mensch gerecht seyn /
nicht yñ eynem getichten scheyn / weye dye gleisza

Ibidē et Luc. 6. ner / Christus spricht / seligk seyn die dürst nach
der gerechtigkeit / der mensch der do leyd yñ der
sunde vnd hatt lust vnd liebe ynn der sunde / weye
wol ehr beschweret ist / so will ehr doch nicht be
schwert sein / der do hat eyn widderwillen wider
die sunde / hasset vnd erbet widder dye sunde / der
ist beschwert mitt der gebrechlichen zuneigung

Mat. 11. der sünde. Christus spricht. Kompt her tzu mir
alle die yhr erbett vnd beschwert seit / ich wil euch

Prover. 24. erquicken. Der gerecht fellet siben mahl im tage /
Gott wil yhm seiner sunde nicht zuschatzen / dar
umb ist der mensch nicht gerecht das ehr fellet yñ
die sunde / ehr wirt aber gerecht gesprochen das
ehr auffstehet von den sunden vñ bleybet entlich
bestendigk / das ist die befleckte gerechtigkeit des
menschen / die gilt vor Gott.

Abacuc spricht / der gerecht lebet aus dem glauben / Abacu. 2
Ben / Gottes wort erleucht den glauben / aus dem
licht dess Glaubens erkennet der mensch was
ehr Gott vnd seynem nehisten aus gerechtig-
keyt schuldig ist / hat ehr eyn warhafftige begyr-
tzu der gerechtigkeit gegen Gott vñ seinen nehis-
sten aus dem erkentnis des glaubens / noch dem
spruch Abacuc / vñ ist eyn kurtze schluszrede vber
diesen spruch / lebet der gerecht aus dem glauben
so stirbet der vngerecht im glauben / das zeiget an
Jacobus / der spricht / der glaube ist thot on die Jac. 2.
werck / welche der mensch Gott vñ seynem nehis-
sten aus gerechtigkeit schuldig ist.

Christus spricht / das ist der wille des vaters /
das sie glauben ynn den eynigen son Gottes / Joh. 6.
sus Christus ist der eynige son Gottes ynn dem
mann glauben sal nach dem willen des Vatters /
Christus ist das licht der werlt / vnd hat erleucht
dye welt mitt seynen lehr vnd ebenbild / vñ ist sey-
nem vater gehorsam gewesen / wie ehr yhm ein ge-
bott geben / so hat ehr gethan / der do glaubet ynn Joh. 14.
Christum noch dem willen des vaters / der glau-
bet das ehr Gott soll gehorsam seyn / nach der
leher vnd ebenbild / Christus spricht / wer mein Matt. 10
iünger will seyn / der neme sein kreutz auff sich vñ Luc. 14.
folge mir nach / vnd wer sein kreutz nicht auff sich
nimpt / der ist mein nicht wert / der gehorsam
ist inn der gedult / yn der gedult ist das kreutz des
menschen.

Christus zeyget an / nich eyn itlicher der do sprich Matt. 7.
D iij

cht/herr herr wirdt eyngelien yns reich der hims
mel/sunder der do thut den willen meines vaters
der do ist im himmel/ der wirt eyngelien yns rei
ch der himel / der do Gott liebet vber alle dingk/
vnd seynen nehisten als sich selber / vnd forbren
get die liebe mit den wercken der thut den willen
des vaters/der do im himel ist.

Matth.
18.

Mat. 25.

Es seynt dreyerley gutte werck / Zu dem ersten /
das der mensch tzu gedechtnis neme Gottes gus
the vñ wolthet die ehr von Gott entpfangen hat
vnd erwirdiget/lobet Gott/saget yhm danck.
Zu dem andern/das eyn mensch dem andern hül
fflich sey zu ewiger seligkheit / Christus spricht /
Sihest du das dein bruder sündiget/straffe yhn
zwischen dir vnd yhm alleyn/höret ehr dich/ so
hastu yhnen gewonnen/ also gewint eyn mensch
den andern mit guter vormanung/lehr/vnd eben
bild. Zu dem dritten/sal eyn mensch dem andern
beholffen seyn/vñ leybes nott/dis ist das geringe
ste werck vnter diesen dreyen/die seel ist mehr den
der leyb. Christus spricht/Kommet her zu mir/
yhr gebenedeyten/ich bin hungerigk gewest/ yhr
hat mich gespeysset/ weicht von mir yhr vormal
deyten/ich bin hungerig gewest / yhr habt mich
nicht gespeysset/wil Gott die seligkheit vñ die vor
thünnis geben vmb die geringen gutthen werck/
so wil ehr auch die seligkheit vnd vorthünnis ge
bē vmb die grossen guthe werck im thun vñ lassen.

Gott ist eyn volkomen pur lauter reines gut / so
erfordert göttliche gerechtigkeit von wegen des

menschlichen geschlechts ein vollkommen pur laus-
ter reynen dyenst / das menschliche geschlecht ist
vorwundt worden durch den fall Adam / das der
mensch nicht kan vorbringen eyn vollkommen di-
enst / so hat Gott aus barmhertzigkeit gegeben
dem menschlichen geschlecht Christum / der hat
vorbracht eyn vollkommen pur lauttern reynen die-
nste für das menschliche geschlecht / vnd wie wir
alle seint gestorben ynn Adam / so werdē wir wis 1. Cor. 15.
derumb lebendigē ynn Christo / nach der größe
der würdigkeit / so ist der vordienst Christi allen
genugsam alle menschen tzu seligen / so werden
doch alle menschen nicht seligē / was ist das hin-
dernis? Der dienst den Christus vorbracht hat
denist schuldigē das menschlich geschlecht / vnd
wenn yhn die vernünfftigen creaturen vormocht
hette / so hetten die menschen diesen dienst müs-
sen vorbringen / die weil yhn aber diß vnmöglich
was / so hat Gott aus seyner gerechtigkeit auff-
gelegt den menschen ein gehorsamen dienste noch
des menschen vormügen / das gybt die gerechtig-
keit der do schuldigē ist / der sal betzaln als vil im
möglich ist / was im nicht möglich ist / magē chr
hülffe suchen bey eym andern. Wenn der mensch
Gott dienet / vnd was sein dienste tzu wenigē ist /
so ist yhm geben der vordienst Christi zu der vol-
kommenheit / wenn aber der mensch Gott nicht
will dienen / so wirt yhm genomen der vordienst
Christi / das ist das hindernis das alle mensche
nicht seligē werden. Wenn alle menschen nach
dem fall Adams weren blieben ynn Gottes ge-
horsam vnd gnade / so weren sie auch blieben in

E

der eynigen warheyt des glaubens/vnd weren selig
ligk wordē durch Jesum Christū vnsern heylād.

Der herr der do hatt gegeben seinen zehen knech
ten die zehen pfundt/der knecht der do hatt mitt
dem pfundt des herrn erlanget zehen pfundt/der
herr sprach/du gutter knecht/du bist getraw ge
west in dem kleynen/nun salt du seyn vber tze
hen steet/gehe hyn yn die freud deines herrn/der kne
cht der seyn pfundt hatte gebunden ynn eyn sch
weyztuch/vnd begraben yns ertreich/dem kne
cht wirt gegeben der sententz der vorthūnnis/
Der herr sprach/nemet yhm das pfundt/vn ges
bet es dem/der zehen hatt/die diener sprachen/
herr ehr hat vorhyn zehen pfundt/der herr spra
ch/ich will also/wer do hat dem sal gegeben wer
den/auff das ehr vberflüssigk hat/der do nicht
hat/dem sal genummen werden das ehr hat/do
haben wir eynen grundt aus den wortten Chris
sti/wen der mensch nicht vordienst hat/so wirdt
yhm auch genomen der vordienst Christi.

Inn der ersten tzeit der werlt/do seindt die men
schenn glewbigk gewest aus der vnterweysunge
Adams/wenn der mensch gleubet was ehr gleu
ben soll vnd wil nicht thun das ehr thun sall/so
wyderstebet er Gottes gerechtigkeit/so gewin
net ehr auch ein vordriesz wider Gottes warheit
vnd denn so ist ehr dem vnglauben nahen/wenn
ynn yhm vorbracht wirt die lüge die yhn weyset
auff den vnglauben/so nimpt ehr an den vnglau
ben/vnd vorlest die warheyt des glaubens/dar

umb das yhm die warheyt vordrieslich ist / weß
der mensch gelert vnd vormandt wirdt mit Got
tes wort / vñ ehr nymmet dis nicht an / so ist ehr
Gott vngheorsam / ynn dem das ehr vorwirffet
Göttliche warheyt / darnach leren die Veter yh
re kinder den vnglaubē / also vrsacht sich vrsprün
cklich der mensch tzur vorthünnis.

Der mensch ist gereiniget von der sünde im Sas
crament der Thauffe vnd begabet mitt Gottes
genade / also ist tzuuornehmen Paulus / das ehr
spricht / Ihr seidt gerechtfertiget aus Gottes ge
nade vmb sunst / wiewol der mensch gerechtfert
iget ist / so bleybet doch eyne zeitliche straffe / die
do ist peinlich für die erbsunde / es bleybet auch
die vnbestēdige gebrechligkeyt vñ der gehorsame
dienst den der mensch Gott schuldig ist.

Roma. 3

Jeremias hat sich verwundert / das Gott eynen
menschen seliget / den andern vordümet / er sahe
eyn Döpffer der nam eyne stück erden vñ dret dars
aus eynen dopff / do ehr den dopff gemacht het
te / wart ehr yhm miszhegliche / ehr tzubrach den
dopff vnd macht daraus tzwey stück / aus eynem
stück macht ehr ein schön trynckgeschyrr / daryn
nen ist tzuhaben eyne wolgefallen vñ ein beheglyg
keyt / aus dem andern stück macht ehr eyne gefess /
darein man lest die vnreinigkeyt / darinnen ist zu
haben eyne miszheglicheyit vnd ein graw / das ges
fess der vnreinigkeyt mocht nicht sprechen wider
den döpffer / warumb hast du mich nicht auch ge
macht ynn eyne schön tringt gefess tzu den ehren.

Hiere. 18

E ij

Matth. 7.
et 25.

Der döpffer zeyget den schöpffer des menschen/
Der dopff Adam den menschen / Die miszhegli-
gkheyth des dopffs den yngehorsam Adam / dye
tzubrechunge des dopffs die straffe Adam / Die
zertheylunge zweyer stück / wirt erkant die ordent-
liche regel die Gott gemacht hat mitt dem mens-
schlichen geschlecht / nach dem fall Adam / Das
schöne tringt gefesz / tzeyget an die gehorsamen
menschen / ynn dem hat Gott eyn beheglikhey /
Das gefesz der vnreinigkhey tzeyget an die ynge-
horsamen menschen / ynn denen Gott hat eyne
miszheglikhey / Das gefesz des döpffers ist eyn
vnfinlich dingk / vnd kan nicht reden / darumb ist
es gantz vnmüglich dem döpffer widder zu spre-
chen / der mensch ist synlich vn vornünfftigk / kan
sprechen herr / weñ haben wir dich hungerigk ge-
sehen / vnd haben dich nicht gespeysset / ynn deys-
nem namē haben wir wunderwerck gethan / aus-
getrieben die Teuffel / Es ist dem menschen aber
gantz vnmüglich wider tzusprechen / dem gehor-
sam göttlicher gerechtigkeit / der gehorsam des
menschen ist guth.

Gott hat dem Engel tzuwo wolthet gethan / eine
noch der andern / Die erste wolthet der schöpff-
unge / darnach hat sich angehaben der gehorsam-
me dienst / nach dem dienst ist gefolget die andere
wolthet / die genyefung ewiger seligkeit / Wenn
Gott hette wöllenn seligen den Engel / ohn das
mittel des vordienst / so hette ehr alle engel gefelis-
get / vnd hett vorwart den fall Lucifers / eyn sol-
che regel hat Gott dem menschen geben im para

deys / nach der wolthet der schöpffung / hub sich
an der gehorsame dienst des mēschen / ehe Gott
wolt seligen das menschliche geschlecht / on vore
dienst / ehe liß ehr fallen Adam mit dem gantzen
menschlichen geschlecht.

Do Gott Adam vnd Euam hett widderumb zu
gnaden genommen / ehe sie kinder geparen / do
war auff diese tzeit die gantze menschliche na-
tur inn Gottes gnade / wenn Gott hette wöllen
das menschlich geschlecht nach dem fall seligen
allein dorch den vordienst Christi ane vordienst
des menschlichen geschlechts / so ist Gott also
gut / ehr hette Adam begabet / mit der gabe der
bestendigheit vnd wer vorkomen aller vordümp-
ten menschen vordünnis.

Der mensch hat von Gott die drey wolthet / die
erste ist die schopfung / die ander die erlösung
hat der mensch ein teil entpfangen / ehr ist erlös-
set von der sünde / darnach hebet sich an der ge-
horsame dienst des menschen / wenn ehr entlich
also erfunden wirdt mit Gottes gnad erlanget
ehr das ander teil der erlösung / vnd ist die gabe
der bestendigheit der seele vnd wirdt im geben die
gniesung ewiger seligkeit / das ist die dritte wol-
that / vnd die ordentlich regel die Gott den mens-
schen geben hat nach dem fall Adam / ist das er
in der mittel dieser dreier wolthet Got dienē sal.

Als des menschen dienst ist allein aus natürlicher
em vormügen / so ist ehr nicht vordienstlich zu
E iij

Rom. 3.
et. 4.

ewiger seligkeit / Sal ehr vordienstlich sein / so
muß ehr gewirdiget werden mit Gottes gnade /
Christus hat vns diese gnade vordient / vnd hat
des menschen vordienst fruchtbar gemacht mit
synem vordienst / also ist zuuornemen Paulus /
do ehr spricht / alles das Gott dem menschen ge-
bet / das gybet ehr ym auß gnade / Gott hat dem
menschē geben die gnad / das ehr vordienen kan /
also ist der vrsprung des menschē belonung auß
Gottes gnad / nach dem spruch Pauli.

Der mensch kan mit seinem vordienst nicht bezaa-
len die gabe der schepfung / nach wenniger kan
ehr bezalen die gabe der erlöfung / auß einer sol-
chen meinung wirdt dem menschen die seligkeit
ymbsonst geben / so haben die ersten zwu gabe
nicht das volkomen ende / die dritte gabe ist das
volkomen ende / was hilfft den menschen das ehr
wer geschaffen vnd erlöst / wenn er nicht solt has-
ben die seligkeit / darumb so hat Gott diese drey
gaben aneinander gehangen / das der mensch sol
zu gleich Gott dienen / vmb diese drey gabē / wen
sich der mensch nicht enterbet mit seinem vnglau-
ben vnd vngheorsam / so erlanget ehr die drey gas-
ben / enterbet sich / aber der mensch / so ist ym die
erlöfung mer schedlich dan guth / vnd die schep-
fung ist ym böse / wiewol diese gabe an ynen sel-
best guth sein.

Gott hat den Engel vnd menschen geschaffenn
auß gnad ymb sonst / do sie diese gabe ymbsonst
entfangen hetten / do wolt Gott das sie solten be-

zalunge thun / mit irem gehorsamen dienst. Das
vormügen Adams im paradys / hat Gott dem
Herrn keyne bezalunge gethan / so volget daraus
das ehr nach seynem fall mitt dem gantzen men-
schlichē geschlecht ist schuldigē bezalung zu thun
für die gabe der schöpffunge.

Über das hat Gott dem menschen geben die erlö-
sung aus gnade vmb sunst ehe der mensch dar-
umb gedienet hat / vnd ehe Adam Gott darumb
gebetten hat / Do Gott sprach zu der schlangen / **Gen. 3.**
Der samen von dem weybe soll dir dein heupt zu
knirschen / Christus ist der samen von dem wey-
be / der der schlangen das heupt zuknirscht hat /
do gab Gott dem menschlichen geschlechte dye
erlösung aus der genadenreichen zusagunge / **Apoc. 13.**
das lamb Christus ist von anbegynne gethōdet
worden / durch göttliche zusagunge.

Wenn Adam im paradeys wer blyben ynn Got-
tes gehorsam / so hette der mensch ynn seynem na-
türlichen entpfengnis vonn der geburt erlanget
die gabe der bestendigkeyt / vnd geerbet die selig-
keyt aus dem vordienst Christi / dyser vordienst
ist dem menschen geben zu eynem geschenck vnd
eyn gabe vmb sunst / vmb diese gabe ist der mēsch
ein gekauffter knecht / nicht ist dem menschen dye
gabe der erlösung vmb sunst gegeben / das er key-
ne bezalunge solt darumb thun / mit seynen gehors-
samen diensten / es ist yhm also aus gnaden vmb
sunst gegeben / das Gott dem menschen ist vor-
komen / eher der mensch darumb gedienet adder
darumb gebeten hat. **E iij**

Pet. 1.

Wie Gott dem engell vnd menschen mitt der gabe der schöpffung ist fürkommen / aus gnad vmb sunst / vñ Gott wolt das sie solten bezalung thun mit yhrem gehorsamen dienst nach yrem vormügen / also will ehr auch das der mensch fall betzalunge thun fur die gabe der erlösung mitt seynen gehorsamen dynsten nach seynem vormügen als eyn gekauffter knecht / Petrus spricht yhr seyt nicht gekaufft vmb silber ader vmb golt / yhr seyt gekaufft vmb das Rosenfarbe blutuorgiessen Christi / Allen gehorsam ist der mensch Got schuldig als eyn gekauffter knecht. Wenn Gott dem menschen den gehorsam auffleget / das ehr sol leyden eynen schmertzlichen todt / seyn blut tzuuorgiessen / von wegen der gerechtigkeit vnd warheyth des glaubens / so fall ehr Gott gehorsam seyn. Wenn der mensch entlich befunden wirt vñ Gottes gehorsam / so erbet ehr als eyn gekauffter knecht / so erbet er den vordynst Christi als ein kyndt mitt Gottes gnade.

Psalm.
144.

Do Adam von Gott gefallen was dorch den vngehorsam / do war er inn der aller höchsten noth vnd wenn ym nicht wer geholffen worden auß Gottes barmhertzigkeit durch den vordienst Christi / so wer ym besser gewest ehr wehr nicht geschaffen worden / darumb ist die schepfung an ym selbst nicht böse. David spricht / o Herr deyne barmhertzigkeit vbertrifft alle deyne werck das sich Gott also hoch vnd tieff erbarmet hat / vnd sich voreiniget mit der geringikeit der menscheit. Die menscheit voreiniget mit der gottheit

hat geliden den aller schmertzlichsten schmelich-
sten tod / zu erlösen das menschlich geschlecht /
das ist die groß Gottes barmhertzigkeit die do
vbertrifft alle seyne werck nach dem spruch Da-
uids / weil Gott dem menschlichen geschlecht
größer barmhertzigkeit hat erzeiget von wegen
der anligende nott inn der erlösung / denn ehr hat
erzeiget in der schopfung / so folget auch darauß
das der mensch Gott desto grössern gehorsam
schuldig ist von wegen der gabe der erlösung.

Ein tagelöner der da hat eym hausuater geerbett
ymb ein tagelohn / dem ist der hausuater schul-
dig auß gerechtigkeit zubelonen / Ist der tagelö-
ner dem hausuater nicht schuldig / wenn ehr mit
dem tagelohn vordynen kan / so ist der hausuater
dem tagelöner nicht schuldig auß gerechtigkeit
zubelonen / gibet er ym belonunge / so ist es auß
gnade / wenn aber der hausuater mit dem tagelö-
ner macht ein bedinge / vñ spricht / erbet mir den
tag inn meinem weingarten / wenn du mir treulich
geerbet hast / so wil ich dyr vorlassen alle schuld /
dazu wil ich dir gebē ein reiche belonung / denn so
ist der vatter schuldig zu belonen den tagelöner /
auß dem gnaden reichen bedinge / nymet der ta-
gelöner war die gütigkeit des hausuaters / vñ er-
bet auß liebe der gerechtigkeit / wie ehr schuldig
ist / so erlanget er die belonung / Vorschmehet er
das gnadenreiche bedingunge so wirdt ehr nicht
belonet / darzu mag yn der hausuater geben den
peynigern / darüb das er nicht hat wöllen bezalüg Mat. 25.
thun mit seiner erbet nach seynem wolvormüß.

¶

Mat. 20 Der hausuater Got der himlische Vater ist auß
gangen inn der ersten stunde / zu der zeit Adams
do die menschen gleubich waren / mit den hat er
gemacht das gnadenreich bedinge / das sie sollen
erbeten inn dem gehorsame dess weyngartens
Christlicher Kirchen / so wil er geben den tages
pfennig ewiger seligkeith / Zu der dritten stundt /
nach der syntflut / zu der zeit Noe hat er aber ge
macht / mit den menschen das gnadenreiche bes
dinge / Zu der vi vnd ix stunde hat er gethan der
gleichen / Zu der xi stundt ist er aber ausgegangen /
vnd hat gefunden die do müßigk stunden / das
waren die Heyden / die stunden müßigk in der vii
wissenheit des vnglaubens die hat er erleucht mit
seinem göttlichen wort / vnd inn dem als sie synt
gleubich worden / haben sie auch angenomē das
gnadenreiche bedinge / Auß diesem bedinge wer
den außgeschlossen all vngleubige vñ vngheorsam
e / die das bedinge vorwerffen vñ vorschmehen.

Matt. 10 Eyn kalter trunck wasser / der do wirdt gegeben
vmb des Herrn willen / den will Gott nicht vñ
belonet lassen. Der do vorlest zeitliche güter vmb

Mar. 10 Gottes willen / der wirt sie hundert fechtigk wis
der haben / darzu das ewige leben. Der dem wol
thut von dem ehr wolthet entpfangen hat. Was

Matt. 5. will ehr damit vordynen? Es ist wye ein gleicher
kauff / der do libt seinen feindt / thut dem das gut
der yhm das arge gethan hat / der vordinet vnd
vorgleicht sich ynn der gutwilligkheit / Gott dem
vater / der lest seyne Sonne scheinen vber dye gus
ten vnd bösen / vnd wirt vollkommen gesprochen

aus dem munde Christi / der do leydt vorfolgüge
vmb Christus willē / der frewe sich vñ frolocke /
seyne belonung wirt vberflüssigk sein im reich der
hymel / also gybet Gottes wort vil mal tzuertens
nen / den dienst des mēschen vñ Gottes belonung.

Der vordienst des menschen ist gantz wenigk vñ
gar nicht gleichwirdigk der belonung / streckt si
ch aber also weyt / das Gott hat daran eyn wol
gefallē / aus dem vordynst Christi / wirt der men
sch Gott beheglich / aus seinem vordynst / bleibet
ehr Gott beheglich. ¶ Der Gott will beheglich
bleiben / der nem zu gutem gedechtnis drey dinck.
Zu dem ersten / das ehr vormeyde die sūnde dye
yhm berawben Gottes gnade / vñ dyne Gott mit
eyn lautern gewissen vnd reynem hertzen / Seligk Matt. 5.
seindt die do seyn eynes reynen hertzen. Zu dem
andern / das ehr Gott fürnehmlich dynen wölle
vmb die seligkēyt / nicht vmb zeitliche güter adder
leybliche gesuntheit / sonder das fall seyn die vor
nehmlich meynung / das ehr Gott wil erwirdigen
mit seynem gehorsamen dienst aus lybe der geres
chtigkēyt / wie ehr schuldigk ist. Zu dem dritten /
so soll ehr nicht hochmütig seyn / seinen dynst ni
cht mehr geben den ehr yhm geben soll / wen der
mensch nicht het den vordynst Christi / so wer
dese mēschen vordienst vyl tzu wenigk vergebens
vnd vnnütz / wenn ehr nicht gewirdiget were mit
Gottes gnade / so kōndt ehr nicht bestendig bley
ben / der mensch ist schuldigk des hellischen gefen
cknis von wegen der sūnde / darvon kan sich der
mensch selber nicht erbeyten / ehr ist tzu schwach /

Kan sich nicht abekeuffen / er ist tzu arm / darumb
hat der mensch keyn vrsach / hochmütigk tzu seyn
Luce. 17. ynn seinem dienst / Christus spricht / Wenn yhr
gethan habt alles das euch gepotten ist / so solt
yhr sprechen / wyr seint vnnütze knechte gewest /
da wirth dem menschen gegeben die lere das ehr
seynem dienst nicht tzuuyl geben fall.

Matt. 7. Christus spricht / yhr solt euch fleysigk vorsehen
vor den falschen Propheten dye tzu euch komen
ynn den kleydern der schaffe / ynnwendigk seyndt
sie reyssende wolffe / das ist die schaffkleydunge /
sye sprechen / yhr glaube sey war / yhre leher sey re
cht / darzu geben sye Gottes wort eynen falschen
vorstandt ynn yhrer auslegunge / vñ machen sich
den menschen beheglich ynn yhrer lere / vber das
geben sye Gott ehre in eynem scheyne / die ist ynn
menschlichem ansehen als were es Gottes ehre
vnd in der warheyt so ist es eyn vorwennigerunge
Gottes ehre. Die falschen propheten tzu vnsern
gezeyten geben diese leher / die gleubigen mensche
erlangen geniessunge der ewigen seligkheyt / alleyn
aus dem vordienst Christi / ahn allen yhren vors
dienst / das sal seyn die grosse Gottes ehre / vñ yhre
menschen / nemen dyese lehere an / ist yhre meynun
ge / wen sie gleubē / das sie alleine geseliget werde
durch den vordienst Christi / das sey dye grōste
Gotes ehre / darumb gleubē sie nicht iren vordinst.

Gott hat dem menschen meer geben dan er vors
dienen kan / den wen ehr im allein geben hett den
vordienst Christi / alles das Got gibet dem men

schen das gibet ehr im auß gütiger liebe vñ barm
hertzigkeit/ vnd Gott ist so erwirdigt vmb alle
seine gabe/ die vill gabe ist die gröste seiner erwir
digkeit/ Gott hat dem menschen geben den vor
dienst Christi das ehr ist ym standt der seligkeit/
darumb ist Gott groß zuerwirdigen/ diese Göt
liche ehre bekennet der widderprechende glaube
in seinem beschliesz. Gott hat dem menschen
das er vordienen kan mit dem vordienst Chris
ti/ vñ mit seinem vordienst erlanget ehr/ den ein
gang ewiger seligkeit. Gott ist zu erwirdigen das
ehr den mensche die gabe geben hat/ das ehr vor
dynen kan. Dyse Göttliche ehre schleust aus/ der
widderprechende glaube vorwenigert Gottes
ehre in seinem beschliesz. Wenn der mensch glau
bet das er Gott schuldig ist zu dienen/ bey vorlust
der gnaden/ Erwirdiget ehr Gott mit seinem ge
horsamen dienst auß liebe/ das ist Gott ein ehre/
diese Göttliche ehre vorspricht der widderprech
ende glaube vnd vorwenigert Gottes ehre in sei
nem beschliesz/ Gott ist ein gnadenreicher belos
ner des vordiensts des menschen/ das ist Gott
ein ehre/ diese Göttliche ehre leget ernidder/ der
widderprechende glaube vnd vorwenigert Gots
tes ehre in seinem beschliesz/ das Göttlich wort
gibet dem menschen zuerkennen Gottes willen/
offenbart ym das der gehorsame mensch seligt
wirdt/ vñ der vngehorsame vordümet wirt/ Der
widderprechende glaube beschleust in sich/ das
der mensch allein selig wirt auß dem glauben on
den gehorsam / vnd vordümet wirt auß dem vns
glauben on den vngehorsam/ in dem wil der wids

dersprechende glaube Gottes wort warhafftig
machen/ das ist ein greulich Gottes lesterung/
das ist das gewisz warhafftige zeichen das der
widdersprechende glaub falsch ist/ das er in sich
beschleust die Gottes vnehre vnd vorwenigert
Gottes ehre/ diese vnehre/ schleust auß der glau
be des Conciliums/ ist das gewisse zeichen/ das
ehr ist ein warhafftiger glaube.

Die widdersprecher bekennen offenberlich vnd
geben diese leher/ das man Gott dienen soll vnd
sein Göttlich gepot halten / was ist deñ vor ein
vnterscheid zwischen diesen zweien glauben/ das
nicht ist ein irriger glaube / wenn der mensch er
kennet das Gott sein herr vnd schepffer vnd erlös
ser ist / so muß er bekennen das er Gott dienen
sal/ also bekennen auch die widdersprecher Got
tes dienst/ das aber alle werck des menschen vor
Gott vnrein sein/ so glauben sie vnd sprechen/ das
das menschlich werck vndüglich sey/ der mensch
künde nichts vordienen/ Gott sey auch nicht der
beloner/ das ist ein vnterschiedliche absonderun
geder widdersprecher des Conciliums. Alle
werck des menschen/ als sie sein mit einander in
gut vnd böse in einer sünenn/ darumb das die gu
ten werck vntermischt vnd befleckt synt mit dem
bösen / so sein sie vnrein/ wenn sie nicht befleckt
werden mit dem bösen so wurden sie nicht vnrein/
dieweil der mensch gereiniget ist ym Sacrament
der thauffe/ wenn es yhm möglich were das ehr
vorbrennen kündt die guthē werck on die bösen/
so weren die guthen werck reyn/ so ist der mēsch
gebrechlich vñ ist yhm vnmöglich/ Gott ist barm

hertzigk/will von dem menschen nicht mehr haben/denn ehr wol vormagk.

Christus ist der des menschen gutte werck reyniget von den bösen/denn sein sie vordienstlich vor Gott/dye menschen dye do hören Gottes wort mitt dem guten vnd allerbesten hertzen/vñ bringen frucht ynn der gedult/die fruchte der gedult seyn die guten werck/wye Christus hat gereyniget die Aposteln/also reyniget ehr auch die menschen/allis alle werck des menschen vor Gott vnreyn seynt/ist die meynunge Göttlicher warheyt nicht/das der mensch nicht vordienen kan/also so manichfeldigk Gottes wort anzeiget/das der dienst des menschen nicht hoffertigk sal seyn ynn Gottes dienst/Keyn hoffertiger ist Gott beheglich von anbegyn/stet Gott wider alle hoffertigen/Gottes wort erhebet widerumb gross den dynst des menschen nicht darumb das er an yhm selbest so würdigk ist/sunder darumb wirt erhalten des menschen dienst/das Gott eyn wolgefallen darinn hat/hat Gott eyn grossen gefallen im dienst des menschen/szo belohnet ehr den auch gross/wie ehr eyn grossen wolgefalle hat gehabt ynn dem gehorsamen dienst Abrahams vnd hat den gross belohnet.

Matt. 13
Luce. 8.

Eccel. 10.
Jaco. 4.

Ben. 15.
et. 22.

Wenn Gottes wort tzuerkennen gybet/das der dyenst des menschen kleyn ist/so nemen die widersprecher daraus dyse meynunge/der mensch kan nicht vordienen/vnd wollen darmit bewert haben wider den vordyenst des menschen/Dara

f iij

mitt sich auch der mensche vormeynet nicht schuldigt sey zu dienen / das ist der falsche vorstandt den sie geben Gottes wort ynn yhrer auslegung / vñ wöllen damit darnyder legen den dyenst des menschen / domitt man Gott erwidiget / das man yhre argklistige bossheyt nicht erkennen soll das sye wöllen hyndern Gottes erwidigkheyth / so sprechen sie / man soll Gott allezeit erwidigen damit bedecken sie yhre vntermischte falscheyt / es ist gestracks widder Gottes gerechtigkeit vñ wider die warheyte Gottes / das der mensch Gott nicht sal schuldigt sein zu dienen bey vorlust Gottes gnade / Es ist gestracks wyder Gottes gutige liebe vnd barmhertzigkeit / das Gott nicht solt seyn eyn beloner des dyenstes des menschen / der do ist aus eyner demütigen liebe.

Warumb ist Gott tzu loben? Darumb das ehr guth ist / was ist göttliche guthe? das ist die ausdryngende gottes guthe / das Gott dem Engell vnd menschen gegeben hat / das sie kennen seyne erwidige gute / alle gute die von Gott aus gebet zu der creatur ist / vrsprungklich von Gott / darumb das Gott will haben ynn seynem reich vor seynem göttlichen angesicht diener die do seynde erwidiger seyner guthe / Gott hat den Engell gewirdiget ynn der schöpffunge / vnd wolte das der engell diese wirdigkeit solt grösser machen vñ mehren mit seynem gehorsamen dyenste / die engell die diese wirdigkeit gemert haben / sein wirdick worden ewiger seligkeit / die diese wirdigkeit nicht gemert haben / seint vnwirdig worden ewig

ger seligkeyth. ¶ Nach dem fahll Adams hatt
Gott gewirdiget den menschen ynn der erlösung
vnd will das der mensch diese würdigkeyt bessern
vnd mehrn sal / mitt seynem gehorsamen dyenste
nach seynem woluormügē / welcher diese würdig
keyt mehrt / der erlanget den eyngangē ewiger se
ligkeyt / wie erkennet wirt ynn dem knecht der do
hat erworben tzeihen pfundt mit dem pfundt des
Herrn / welcher diese würdigkeyth nicht mehrt /
wil Gott vngheorsam seyn / der wirt vnwürdigē
ewiger seligkeyt / wie tzu erkennen ist yñ dem kne
cht / der seyn pfundt hett gebunden ynn eyn sch
weiß thuch / vnd begraben yns erttreich / der bes
kennet den Herrn / vnd ist gleubigē / es hilfft yhn
aber sein glaupe nichts.

Mat. 25.
Luce. 19.

Christus spricht / wer mein dyener will seyn / der
folge myr nach. Do ich werde seyn / do wirt auch
meyn dyener seyn / vñ mein vater wirt den ehren /
will Gott der vater den dyener Christi ehren / so
mus ehr eren wert sein / darumb wirt ehr würdig
gesprochen / das ehr Christo nachgefolget hat /
mitt seynem gehorsamen dienst aus eyner demüs
tigen andacht / dieweil Gott dem menschen me
her geben hat dan ehr vordynen kan / denn wenn
er alleyn begabet were mitt dem vordienst Chri
sti. ¶ Aus dem grund Gottes warheyt / gebe ich
diese schriftliche wort von den ersten fragen bis
hye her / zu der antwort das der mēsch vordynen
kan mitt Gottes gnade / der mensch ist schuldigē
Gott tzu dynen bey vorlust Gottes gnade / Gott
ist eyn gnadenreicher beloner des vordienst des

Johā. 12.

B

menschen der do ist aus lyebe vnd demuth.

Mar. 16.
Rom. 3.
Gala. 2.

Christus saget / wer do gleubet vñ gethauft wirt
der wirt seligk. Paulus spricht / der mensch ist ge
rechtfertiget aus dem glauben vñ nicht aus dem
gesetz. Wenn den menschen das gesetz rechtfer
tiget / so wer Christus vmb sunst gestorben / vber
dyese sprüche thu ich die andere frage / Ob der
mensch das gesetz des Conciliums sey schuldigk
zuhalten odder nicht. Nach der auffersteung
Christi warn gar wenig menschē gleubich / solt
der Christlich glaube gemert werden / so must
das gescheen / erstlich bey den vornünfftigen men
schen / wen ein vornünfftiger mensch wil getaufft
werden / so muss er zuuor gleuben vnd vorwilli
gen in das christlich gesetz / sonst brecht die tauff
kein frucht / wie Christus hat gepoten seinen
Jüngern die liebe / das ist das Christlich gesetz /
alle menschen sein schuldig disz zuhalten. Der
mensch der do gleubet vnd getaufft ist hat vorwil
liget in das gesetz / der ist selig worden / also ferne
das er ist ym standt der gnaden / helt er das gesetz
der liebe / so erlanget ehr entlich den eingang ewi
ger seligkeit / also ist zuuornemen Christus das
ehr spricht / Wer do gleubet vnd getaufft ist der
wirdt selig.

Die seligkeit der gnaden die Christus anzeigt /
vnd die rechtfertigung die Paulus anzeigt ist
ein ding / wenn der mensch gleubich vnd getaufft
ist so ist ehr rechtfertig / als ehr die werck des ges
etzes hat angehoben / darumb so soler Gott die

ehre geben / das er gerechtfertigt ist auß dem vordienst Christi on die werck des gesetzs / Also ist zuuornemen Paulus das er spricht / der mensch ist gerechtfertiget auß dem glauben / vnd nicht auß dem gesetzs / wenn das gesetzs den menschen rechtfertiget so wer Christus vmbsonst gestorben / weil aber der mensche bleibeth inn dieser rechtfertigung vnd wil darausz nicht fallen / so muß er halten das gesetzs der liebe gegen Gott vnd seinem nehisten. **Gala. 2.**

Wenn ein vnmündig kindt getaufft wirt / so wirt das begabet mit Gottes barmhertzigkeit vñ mit dem vordienst Christi / es wirt auch begabet mit dem glauben vnd vordienst Christlicher Kirchen / ist fruchtbar gemacht / wie Christus seinen vordienst teilet auß liebe / also sol ein mensch den andern mitteilen den dienst der liebe / in dem erkent vns Christus das wir sein jünger sein / wenn wir vns vntereinander lieben. **Johā. 13.**
Dye Christliche Kirch ist ein vortraute gespons vnd eelich gemahel Christi des seligmachers / wenn ein mensch auff ein newes gepornn wirt auß dem wasser vnd heiligen Geyst / so ist es ein war eekindt des vatters Christi vnd der mutter Christlicher Kirchen / Gott hat ein vrsach solche menschen zu lieben / das er ist gereiniget durch den vordienst Christi / Christus spricht es sey den sach das ihr werdet als diese kleine kindlein / so wert ihr nicht eingehen vns reich der himmel vnd spricht / lasset sy her zu mir gehen die kleinen kinder / ihr ist das reich der himmel / aus diesem haben wir ein grundt **Ephe. 5.**
Matt. 18
et 19.

B ij

wenn ein vnmündig kindt getaufft wirt vnd stirbet inn der vnschuldt / so wirt das selig / erreicht es aber sein vornünfftig alter / so ist es schuldig / das gesetz der liebe zuhalten.

Wenn der mensch geboren wirt so hebet ehe an zu sterben / darumb so hat das concilium geordenet wen der mensch geporn wirt / so sol man teuffen / stirbet ehe natürlich / so bleibet er doch lebendich an der seele / wie inn dem alten Testament dye kinder das leben der seele behalten haben durch die beschneidung / vñ welchem kindt die beschneidunge auß vorschmeunge entzogen ist worden / das ist gestorben an der seele / also stirbt das kind an der seele dem die tauff auß vorschmeunge entzogen wirdt.

Das Conciliū hat gemacht ein gesetz wye man glauben sol / vnd was man thun vnd lassen sol / die weil man auß Gottes wort erkennet Gottes willen / als das Concilium beschlossen hat / inn dem gesetz das do gegründet ist auß Gottes wort nach Gottes willen / das ist ein Göttlich gesetz vnd nicht ein menschlich gesetz / der mensch soll

Mat. 22. Gott lieben vber alle ding vñ seinen nehesten als sich selber / an diesen zweien gepotten hangen alle Propheten vnd das gantz gesetz / der das gesetz helt auß forcht / der ist ein knecht des gesetz / der do helt das gesetz auß liebe / der ist ein diener des

1. Joh. 4 hern / Gott ist die liebe / wer do bleibet in der liebe / der bleibet in Gott vnd Gott bleibet inn im.

Der mensch ist gebrechlich vnd geneiget zu dem

argen/So hat Gott auß barmhertzigkeit dem
menschē geben ein geschriben gesetz / gesetz ma-
cher vnd gerichtshalter das die vbertreter des ge-
setzs sollen gestrafft werden vñ menschlicher ges-
prechligkeit geschehen hülffe / das der mensch
müge des derfrölicher bleyben in Gottes liebe/
Zu der zeit Nohe waren alle menschen abegefal-
len von Gottes liebe durch den vngheorsam bis
auff Nohe mit den seinigen. Zu der zeit Abra-
hams waren alle menschen abegefallen von Got
durch den vnglauben/den Abraham hat geglaub-
bet mit den seinen / do aber Gott hat geben das
schrifflich gesetz/nach der zeit synt die menschen
nie so gar gefallen von Gott/darausz kan man er-
kennē das das schrifflich gesetz ist ein gabe Got-
tes/vñ den menschen ein förderlich hülffe zu blei-
ben in göttlicher liebe/wo er diese gabe vorschme-
het vnd wil das gesetz durch vorschmeung nicht
halten/der vorschmet auch Gott/ Paulus sprich Rom. 13.
cht/ alle überkeit ist von Gott / wer do widder
strebet der überkeit / der widderstrebet Gott/
Gott spricht dorch den weisen mann / dorch Pro. 8.
mich regiren Königt vnd gesetzmacher.

Wen die regirer des gesetzts synt wircker der boss-
heit so sol sich der mensch nicht ergern / sol sich
halten nach dem gesetz / gut Christlich ordent-
lich regiment brenget fried vñ einigkeit des geystz/
auß einem vnordentlichem regiment folget vns
einigkeit / entpörung / auffrur vnd zertrennung/
Die haltung Christlichs gesetz/ ist die haltunge
Gottes gepotts vnd gehorsams/Gottes gehors

B iii

sam ist Gottes dienst vnd Göttlich ehr erpiet-
tunge / allezeit sol der mensch bereit sein zu Gots-
tes ehr inn der haltunge des gesetz.

Alles ist der mensch Gott schuldig / auß dem
grundt göttlicher warheit / gibe ich diese schrift-
liche wort von der andern frage an bisz hy her /
als ferne sich das gesetz des conciliums erstreckt
zu gottes ehre vnd zu der liebe des nehesten / so ist
es mit gottes gesetz ein einich gesetz / Aus einem
solchen grundt ist ein iglicher mensch schuldig an
zunemen / das gesetz des conciliums / vñ das nach
seinem vormügen zuhalten / man kan nicht geben
ein iglichen menschen eyn sonderlich regel des
gesetzs wie ein iglicher vormag / also beschlyeß
ich die antwort vber die ander frage.

Johā. 15. Christus spricht on mich kündt yr nichts thun /
2. Cor. 3. Paulus saget jr kündt nicht haben ein guten ges-
Phil. 2. dancken auß euch selbs / vnd spricht / Gott ist /
der in vns wirckt den willen vnd das werck / vber
diese sprüche thu ich die dritten frage / hat der
mensch ein freien willen / odder hat ehr nicht ein
freien willen.

Wen Christus spricht / jr kündt nichts gethun /
so hat der mensch ein vrsach zu glauben das er
nichts gutes gethun künd / dieweil er aber spricht
on mich kündt jr nichts gethun / so hat der men-
sch ein vrsach zu gleubē / das gut das ehr thut das
gilt nicht zu der seligkeit / es sey denn fruchtbar ge-
macht mit dem lebendigen wasser das do Chris

stus gibet auß seinem gnadenreychen vordienst.
Wenn der mensch nicht guttes kan gedencen/
willigen/ noch wircken/ vnd kan das böse/wars
umb wil Gott richten den menschen zu der vord
dönnis/wenn er nichts meher kan/den das bö
se? das ist nicht allein widder Gottes barmher
zigkeit/sonder ist auch widder göttliche gerech
tigkeit/Darumb richt Gott den menschen zu der
vordönnis/das ehr kan das gut/ vnd lest das/
vnd thut das böse. Widderumb richt Gott den
menschen zu der seligkeit/das er kan das böse/vñ
lest das/vnd thut das gute/wil der mensch selig
werden/ehr thu das gut/vnd laß das böse/vor
mag der mensch allein das böse vnd nicht das
gute/so herrscht die sünde Adams gewaltig inn
dem mēschē/die nötiget den mēschē das er sün
digen muß/so kan der mensch nicht vorschulden
die vordönnis mit seiner wirklichen sünde/dar
umb das ihn die erbsünde nötiget zu der sünde/
das ist widder die warheit der gnadenreichen zu
sagung die Gott dem menschlichen geschlecht
gethan hath/ist widder die ordnung die Gott
mit den vornunfftigen Creatur gemacht hat
nach dem fall Ade.

Der mensch wirt nicht allein vordönnet auß der
vorschuldt vnd sünde Adams/wenn nicht mehr
vorschuldung der sünde darzu komen von dem
menschlichen geschlecht/ Im anfang der zeit/
do Gott sprach zu der schlangen/der samen von
dem weibe sol dir dein heupt zurknirschen/in die
sen Worten hat Got dem menschlichē geschlecht

Gen. 3.

B iij

zugeseget Christū/also ist das vnschuldige lant
Christus von anbegin getödt wordē dorch Göt
ApoC. 13. liche zusagunge/dar mit zeigt Gott an/das ehr
hat gewolt/das gantz menschlich geschlecht rei-
nigen von der erbsünde / wenn nicht mehr ver-
schuldt der sünde darzu keme /sol nu der mensch
vorschulden können/so muß er frey sein zu thun
das gut vnd das böse/do Gott alle ding geschaf-
fen hat/so sach er/das sie seer gut waren/Adam
was also gut auß der schepffunge/ das ehr hat
kündt vordienen dem menschlichen geschlechte/
den eingang ewiger seligkeith/Ein vordümpter
mensch der ist gantz böse vnd kan nicht willigen
das gut/darumb ist ehr vntüglich zu dem guten/
der mensch auff erden ist nicht also gut inn seiner
natürlichen krafft/ als Adam erstlich was/er ist
auch nicht also böse wie ein vordümpter mensch
der do nichts gutes kan willigen/ehr ist gebrech-
lich vnd geneiget zu dem argen/diese gezeugnyß
gibet Gott selber/vber den menschen / wenn es
mehr odder weniger were / so gebe auch Gott
mehr odder weniger gezeugnis/der mensch ist in
seiner gebrechlichkeit nicht also vil das er auß ym
selber allein kondt komen zu der volkommenheit/
Er ist auch nicht also wenig/das er nichts dar zu
kondt/Sol der mensch komen zu der volkom-
menheit/so muß im geholffen werden/Gott der
dem menschen hilfft der thut es nicht allein/das
menschlich geschlecht das do sein vormügen thut
zu göttlicher hülffe/das thuts auch nicht allein/
weñ die beide zusammen komen mit ihrer wirckun-
ge/so wirth es gethan/das das menschlich ges

schlecht kömmet zu der vollkommenheith/ Gott
vormöcht es allein wol zuthun/ dieweil aber der
mensch Gott alle ding schuldig ist/ so fodert die
ordenunge Göttlicher gerechtigkeit von den men-
schen sein vormügen/ darbey will Gott erkennen
seinen gehorsamen dienst.

Gott hatt das menschlich geschlechte gestrafft
durch den vngehorsam Adams/ vnd hat ein teil
natürlicher güte von den menschen genomen/ do
wirt erkandt seine göttliche gerechtigkeit/ Gott
hat ein teil natürlicher güte in dem menschen ge-
lassen/ do wirt erkant seine barmhertzigkeit/ Als
bald Adam sündiget/ als bald war ehr schuldig
zu sterben/ so hat ehr doch ein zeitlang außs Gots
tes gnade gelebet/ alle menschen sein schuldig zu
sterben von wegen der sünde Adams/ so lebet der
mensch ein zeit lang außs Gottes gnade/ wiewol
er lebet außs Gottes gnade/ so lebet ehr doch na-
türlich/ der mensch kan auffheben vnd nidders-
sen sein handt/ Gottes gnade bewegt nicht die
handt außs freier natürlicher krafft/ die Got dem
menschen geben hat/ bewegt ehr sie wo er hin wil
vnd mag/ wie der mensch hatt seine bewegunge
von außwendig/ so kan er sie auch bewegen von
inwendig/ der mensch hat ein vornunfftigen vor-
standt vnd gedechtnis/ ehr erwechst in leiplicher
grössl/ so wechst ehr auch natürlich inn dem vor-
standt vnd gedechtnis/ auß dem vorstandt vnd
gedechtnis hatt er ein freien natürlichen willen/
der mensch kan auß seinen natürliche vormügen
erkennen/ das warheit/ barmhertzigkeit/ gerech-

D

tigkeit gut ist / kan die drey lieben / darumb das es
gut ist / kan sie willigen vnd wircken gegen seinem
nehesten / kan ein ander nicht lieben der diese drey
tugend nicht wircket / kan ihn erwirdigen / loben
vnd dancksagen / das ehr diese gute gegen yhm
wirckt / ehr kan auch erkennen / das vnwarheit /
vnbarmherzigkeit böse ist / kan mit dem guten er-
beten das böse zu vermeiden / diese natürliche gü-
te haben alle rechtuornunfftige menschen / auß
Rom. 2. Gottes gnade / gleubich vnd vngleubich / Pau-
lus spricht / den Heiden ist das gesetz in yhr hertz
geschrieben / das ist natürliche gute.

Will der mensch wandern den weck der seligkeit
so ist von nöten zu seynem natürlichen vornügen
tzu gaben aus Gottes gnade / Zum ersten dye
gnad des lebens der sele / Zum andern die gnade
Gottes wort / da durch kan der mensch behalten
das leben der sele. Christus spricht / nicht alleyne
Math. 4 im brott lebet der mensch / szunder auch aus eys-
nem yglichen wort das do geth aus dem munde
Gottes / mitt diesen gnaden magt der mensch sei-
nen freyen willen wenden yn Gottes willen vnd
magt mitt hülffe der gnaden wandern den weck
der seligkeit / ehr magt seynen freyen willen wen-
den von Gottes willen / vnd magt wandern den
weck der vorthünnis.

Christus ist war Gott vnd mensch / ynn dem als
ehr ist ein mensch / so ist er vnser natürlicher brus-
der / ynn dem das ehr ist so ist ehr das erbnehmen
ewiger seligkeit / vnd wir seynd seyne brüder / so

sein wir erbnehmen ewiger seligkeit mit Christo
Das menschlich geschlecht das do ist voreyniget
mith Gottes willen / ist erbnehmen mith Chris
sto / welchs menschlich geschlecht ist die vorsam
lung Christlicher Kirchen / Gott hat diese ord
nung gemacht mitt der samlung Christlicher
Kirchen / das der mensch seynen freyen willen fall
voreynigen mitt Gottes willen / alle die mensche
die do iren willen nicht haben abgesundert von
Gottes willen / vñ werden also erfunden in irem
letzten ende / die gantze samlung Christlicher Kir
che ist eyn erbnehmē ewiger seligkeit mit Christo.

Aus der warheyt Gottes worttes werden erken
net zwey geschlecht der menschen / die yhren wil
len habē abgesundert von Gottes willē. ¶ Das
erste geschlecht das seyn die gleubigen menschen
die ynn yhren letzten abschyde erfunden werden
inn gottes vngheorsam / Ein der wendet seynen
willen zu dem vngheorsam der vngerechtigkeit /
aus dem vngheorsam kam ehr ynn die vorzweyff
felung / aus der vorzweyffelung folget dye vor
thūnnis. Abel wendet seynen willen ynn Got
tes gehorsame dienste aus hertzlicher lyebe / dar
umb ist ehr eyn erbname mitt Christo / Christus
spricht / Ich byn eyn weinstock / vnd yhr seyt dye Johā. 15.
tzeige / welcher tzeigē ynn mir nicht frucht
brenget / der wirt abgeschnitten vnd yñ das fewr
geworffen / der mensch ist Christo eyngeloymet
durch den glaubē / welcher gleubiger mensch ni
cht frucht brenget mit seynem gehorsamen dynst
vñ wirt entlich also erfunden / der wirt abgesch

W ij

nitten von Christlicher samlung vnd wirth ge/
worffen vns ewige fewr / wie ein zweigk an einem
weinstock / was do vnfruchtbar ist / nicht ein ieg/
licher gleubiger der do spricht Herr herr wirdt
eyn erbnehme seyn mitt Christo / sunder der do
thut den willen des Vaters / der wirtt eyn erbnes
me seyn mitt Christo. ¶ Das ander geschlecht
das seyn die menschen die do yhren willen wens
den tzu der vnwarheytt dess vnglaubens / alle dye
menschen die aus geschlossen seyn aus der sam
lung Christlicher Kirchen vnd werden entlich als
so erfunden / die seint nicht erbneemē mit Christo.

Der mensch magk sich mit seinem erkentnis das
hyn stercken Got tzuerkennen. Es ist aber des
menschen erkentnis tzu wenigk. Wen der mens
sch ansihet den lauff des hymels vnd erhebet sein
gemüthe / nimmet tzu gedechtnis das die werlet
wirt erhalten durch ein stethe ordnung aus dem
lauff des hymels / vnd das dye eynige natur regi
ret eyne ygliche creatur / so kan der mensche mit
seinem erkentnis ihm bey kommen / das eyn eynis
ger Gott ist / der alle creatur yn yhrer ordnung
enthelt / es ist dem menschen gar schweh vnd eh
ist vbel geschickt Gott also zuerkennen / der mens
sch ist geschickt zu erkennen die creatur die do seyn
ynn seynem gegenworffe / vn ist geneyget sich mit
der creatur tzubelüftigen. Dis gibet dem mens
schen hindernis das eh seyn erkentnis nicht nas
ch yhm sterckt Gott tzuerkennen durch die crea
tur / dieweil der mensch aus yhm selbst Gott ni
cht erkennen kan vn seinen Göttlichen willen zu

vorbringen / so kan ehr auch aus yhm selbst an
Gott nicht gedencen / was ehr nicht erkennen
kan / do kan ehr nicht an gedencen / ehr vormag
keine gute gedanken aus yhm selbst haben / also
ist zuuornehmen Paulus do ehr spricht / Ihr 2. Cor. 4
kündet nicht haben eyn guten gedanken aus euch
selbst / das ist das vorhinderis / der mensche ist
gehemmet mit der vnwissenheyt / darmit der men
sche sündiget / darmit ist ehr schuldig zu büßen.
Eua wolt klugk vnd weyse seyn wie Gott / dar
umb hat Got das menschliche geschlecht gestras
set mit der vnwissenheyt / das ehr aus yhm selbst
Gott nicht erkennen kan. Wyderumb hat Gott
dem menschlichen geschlecht gegeben mit gnade
seyn göttlich wort / das ist dem menschen eyn hül
fe / das yhm Gott begreifflich wirt vnd erkennet
den aus dem licht des glaubens / weñ der mensch
Gott erkennet / so kan ehr mit seinem gedechtnis
erbeyten vnd kan an Gott gedencen / die guten
gedanken werden zugeleget / erstlich Gottes ges
nade die do gibet dem menschen das lebē der sele
die do alles gute würdiget das aus dem menscha
en geschiedt. Zu dem andern werden dye guten
gedanken zugeleget Gottes wort / das dem men
schen das erkentnis geöffnet hat Gott zu erken
nen. Zum dritten so werden dye guthen gedan
cken zugeleget dem menschen / das ehr mith seyn
nem gedechtnis erbett vnd gedencet an Gott.

Gottes wort erleucht den vorstant des menschen
vnd bildet yhm eyn die warheyt zu glauben / vnd
den gehorsam zuorbrennen / vnd gybet yhm eyn

D iij

Phil. 2.

schickligkeit / bereyt yhn zu der vorwilligung / als
so wircket Gott ynn dem menschen den willen /
nach dem spruch Pauli / wenn Gottes wort gebe
dem menschen nicht dye geschickligkeit / die yhn
bereytet zu der vorwilligung / so köndt ehr aus
yhm selbst nicht vorwilligen tzu dem gutten / do
ist nicht die ursache das der mensch vnweise vnd
vnwissen ist / vnd kan aus yhm selbst Gott nicht
erkennen / dieweil ehr Gott nicht erkennen kan /
so kan ehr tzu Gott nicht vorwilligen / wenn dem
erkentnis des menschen geholffen wirt aus dem
licht gottes worts / vnd ehr erkennet Gott vn sey-
nen göttlichen willen / so kan ehr tzu Gott vorwil-
ligen / aus dem licht des glawbens erkennet der
mensch / das ehr alles guth von gott empfangen
hat / aus seynem natürlichen vormügen erkennet
ehr / das warheyt / barmhertzigkeit / gerechtigkeit
guth ist / wenn ehr hat das erkentnis / das ehr dy-
se güthe von gott hat / so kan er willigen das gut-
te gegen gott vnd seynem nehisten / kan das wens-
den ynn gottes ehre. Eyn mensche der do gleubet
ynn den eynigen gott / der alle dingk geschaffen
hat / vn gleubet nicht inn Christum / der kan wil-
ligen zu Gottes ehre / lob vnd dancksagung / kan
willigen eyn wergk der barmhertzigkeit / vmb
Gottes willen / diesen willen wircket nicht Gots
tes gnade / ehr ist alleyn aus der offenbarung gots
tes worttes vn aus dem vormügen des mensche /
dieser wille hat nicht sein vollkommen güthe / ehr
ist nicht fruchtbar gemacht mit dem wort Chri-
sti / darumb das ehr nicht gleubet ynn Christum
eine soliche vorwilligung vormagk auch der chris

sten mensch/vñ weñ ehr sich nicht beraubet hette
Gottes gnade durch den vngheorsam/so hat dys
ser wille des Christen/seyne vollkommene güthe/
den ehr ist fruchtbar gemacht mit dem vordienst
Christi/dieser guther wille wirt zugeleget Got
tes gnade die den guten willen des mēschen wir
diget/wirt zugeleget Gottes wort/das des men
schen erkentniß erleucht hat/wirt darnach zuge
leget dem menschen/ das ehr vorwilliget hath/
weñ der mensch das gute nicht vorwilligen kan/
so kündt Gottes wort nicht mitt der warheytt zu
legen dem menschen eyn guten willen / yñ der nas
cht der geburt Christi ist gesprochen / Fryd den Luce. 2.
mēschen auferden/die do seint eins gutē willens.

Wenn der mensch eyn guten willen entpfangen
hat/wirckt ehr das gut nach seiner vorwilligun
ge/so wirckt Gottes gnad mit ym/wirckt er aber
nicht das gute/so wirckt Gottes gnad nicht mit
ym/Christus vorgleicht sein Göttlich wordt ei
nem samem/vñ zeigt an vier geschlecht der men
schē/bey dreien geschlechten bringet gottes wort
ein frucht/das zu einē geschlecht fellet der samem
Gottes wort/als auff ein felsz/das sein die men
schen die do hören Gottes wort/vnd nemens an
mit freuden/sie gleubē aber nur ein zeit/in der zeit
der anfechtunge fallen sie wider abe/in dem das
sie Gottes wort annemen mit freuden/vorwillis
gen sie/Gottes wort hat in dem menschen allein
gewirckt den willen/on die zuthuungē des men
schen vormügen/warumb wirckt ehr nicht auch
allein das werck der bestendigkeit/vnnd lest den

Matt. 13.
Luce. 8.

h iij

Phil. 2.

menschen in gutem willen also vorderben: dabey ist zuerkennen der yrrige vnglaube/der tzu vnsern gezeiten ganghafftig ist/ das der mensch vordir bet in dem guten willen/ das ist die schuldt/ das ehr sein vormügen nicht streckt zu der bestendigkeit/ darumb hilfft ym auch Gott nicht das er bestendig bleibet/sonst entzöge Gott dem menschen sein gnad nicht/ Paulus spricht tzu den Philippem/was Gott inn euch hat angefangen das wil er vorbringen/ihr solt das ewer thun.

Ein leermeister der do hat gelert seinen lerknecht das er kan machen ein werck/wenn der lerknecht anhebet vnd erbet an dem werck vnd kan es nicht vorbringen endtlich tzu der volkommenheit/ der meister hilfft dem knecht das das werck vorbracht wirdt/diſs werck wirdt zugemessen dem meister/ so hatt doch der knecht teil an dem werck/ das er das hat angefangen vñ daran geerbet mit seinem vormügen/ also sein die gutten werck vornemlich gottes werck/nachfolgende sein sie auch des menschen werck/Paulus zeiget an das Gott seine gute werck wil dem menschen belonen/wenn der mensch Gott gibet die eher das er bestendig bleibe in dem guten/so wil Gott die guten werck belonen/als hette sie der mensch auß seinem vormügen allein gethan/nach dem spruch Pauli/wenn ein Christen mensch ein gut werck auß seinem vormügen/wie den möglich ist einem menschen der do nicht gleubet in Christum/so kann doch der selbige mensch das gutte werck ym selbst nicht zumessen/er hatt sein natürlich vormü.

gen nicht von ym selbst/darumb ist er schuldig zu
zumessen Gott/der ym das natürlich vornügen
geben hat/wen Gott nicht bey vns were mit sei-
nen gnaden/was weren wir? wen vns Got nicht
gebe wasz hetten wir? Paulus spricht / mensch **Corin. 4.**
was hastu das du nicht von Got entfangē hast/
wenn der mensch seine gute gedancken vnd willen
gibet der begerung Gottes wortes/so nymet ehr
Gottes wolthat war/wenn er sein bestendigkeit
gibett Gottes gnad die ihn sterckt/so ordent ehr
Gottes gabe recht/wenn er zu gedechtnis nymet
das er sein natürlich vornügen hat von Gott/vñ
gibet alles gute Gott/vñ gibets ym selbes nicht/
den er hat nichts von ym selbs/so stet ehr ordent-
lich ynn Gottes dienst.

Das Paulus spricht yhr kündt nicht haben ein
gute gedancken auß euch selbst. Gott ist der ynn **2. Cor. 3.**
euch wirckt den willen vñ das werck/ist die mei- **Phil. 2.**
nung Pauli nicht/das der mensch nicht habe ein
freien willen/diese wort redt Paulus erstlich zu
den menschen die do waren bekert tzu dem glau-
ben/weil die gelegen waren inn der blintheit des
vnglaubens/vnd waren gebunden mit der vnwis-
senheit Göttliches erkentnis/do hetten sie nicht
den gebrauch des freyen willens/darumb wolt
sie Paulus erinnern das sie solten zugedechtnis
nemen/die gabe gottes gnade/das sie soltē Gott
danckbar sein/alle menschen sollen nemen die le-
re auß diesen worten Pauli/wen Gott das men-
schlich geschlecht vorlassen het mit seinem Gött-
lichen wort/so kēnen alle menschen zu der blints

J

heyth des vnghlaubens / kanten nichts guthes ges
dencken / willigen noch wircken vnd wurden ges
bunden mith der vnwissenheyt / vnd hetten nicht
den gebrauch des freyen willen / szo hat Gode
das menschliche geschlechte mith seynem Götli
chen wort nye verlassen / Eyn theyl menschen
haben Gode verlassen / vnd seynd freywillig ge
treten ynn dye finsterheyt des vnghlaubens / vnd
haben sich selber berawbet Godes worts.

Die Christgleubige samlung hath Godes wort
ynn stether vbunge vnd gebrauch ynn eynem rech
ten warhafftigen vorstandt / darumb szo hat der
gleubige mensch den gebrauch des freyen wil
lens / ehr magt sich keren zu Gode / ehr magt sich
auch keren vonn Gode / Gode spricht zu den gleu
bigen / vnd nicht zu den vnghleubigen / dye sich ha
ben berawbet Godes worts / keret euch zu mir /
szo will ich mich zu euch keren / ich will ewr Got
seyn / so solt yhr meyn folck sein / ynn diesem spruch
wirdt erkant / das Gode will / die freywillige
tzukunftunge des gleubigen menschen zu Godes
gehorsam.

Zach. 1. Gode spricht durch Moysen / ich will mich
des erbarmen / des ich mich vonn ewigkeyt er
barmet habe / inn dysem spruch wirdt erkant /
das Gode vollkommen ist mit seyner vorsehunge
gegen den menschen die ehr im auserwelt hat zu
der seligkeyt / dye menschen dye ehr nicht vorse
hen hat zu der auserwelunge / haben die mēschen
auch ein freywillige zukerūge zu gode / Christus in

Exo. 53. seynem götliche gericht / wirt das mēschlich ges

Matt. 25

schlecht teylen in zwey teyl/ Das teyl zu der rechte
libet got zu der seligkeit aus einer vordinstliche vrsach/
das teyl zu der lincken haßt er zu der vordünnis auß eigener schuldt vñ vrsach/vñ Got vordünn
met den menschen mit recht/Gott ist almechtig
so thut er doch nichts auß seyner almechtigkeit/
das do ist wider die gerechtigkeit/alles das Got
thut/das thut er mit rechte/Gott hat alle ding
auß nichts gemacht/vnd kundt wider alle ding
zu nichte machen/vnd nyemandt het ym widder
zusprechen/das zeiget an Job/wenn Gott denn Job. 9.
menschen straffen wolt mitt ewiger vordünnis
vmbsonst on vorschuldt vñ vrsach/das wer widder
der göttliche gerechtigkeit/Gott ist die warheit/
er will auch das die creaturn sollen bekennen die
warheit in seinem Göttlichen gericht/wen Got
von ewigkeit het ein teil menschlichs geschlechts
außgeschlossen von der außzwehlung one vorschulte
vrsach vmbsonst/so möchtē die vordünn
ten sprechen inn Gottes gericht/du hast vns ges
haßt zu der vordünnis one vrsach vmbsonst/das
were widder Gottes güte vñ gerechtigkeit/wen
Gott den mensche liebet zu ewiger seligkeit vmb
sonst/so were Gott vorkommen der vorschulten
vrsach des menschen vñ hette vorsehen das gantz
menschlich geschlechte zu der seligkeit.

In Gottes erkentnis vnd willen synt alle ding zu
gleich/gottes ordenunge nach tzu reden/das der
mensch erkenne Gotes willen/so ist eins in got
tes willen ordentlich nach dem andern. Zum er
sten mal inn der ordenung die das menschlich ges

schlecht betrifft nach dem fall Adams/ so hatt
Gott die welt vmbsonst geliebet/ die liebe ist auß
gottes barmhertzigkeit/ diese barmhertzige liebe
die macht den menschen allein nicht seligk/ sie ist
aber das erste anheben das der mensch tzu der seli-
gkeit mag kommen/ alle menschen die selig wer-
den/ werde anfanglich durch die lybe seligk/ Zum
andern mal in der ordenung hat Gott dem mens-
schlichen geschlechte geben Christum/ also hatt
Johā. 3. Gott geliebet die welt das er seine eynigen Son
hat dargeben/ das ein iglicher der in ihn gleubett
nicht vorderbe/ sondern müge haben das ewige
leben/ der Christo gleubet nach dem willen des
Vaters/ der gleubet auch das ehr Gott schuldig
ist den gehorsam/ Zum dritten in der ordenung/
hat Gott dem menschliche geschlecht geben seyn
wort dardurch der mensch erkenne gottes gütig-
keit vnd Gottes willen zuorbrenge/ welches
Göttliche wort/ ist Gottes ruffunge/ diese drey
gaben der gnaden hat Got geben menschlichen
geschlecht/ dye vordümpften menschen können
nicht sprechen das yhn Gott seine barmhertzige
keit vnd den vordynst Christi yhn habe nicht wöl-
len mitteylen/ sie haben sich dieser gnaden selber
beraubet/ Zum vierden in der ordenunge/ so hat
Got gelassen dem menschen seinen freien willen/
ehr magk Gottes ruffung annemen/ ehr mag die
auch vorwerffen/ Zum fünfften in der ordenung
das teill der menschen die Gottes ruffung annes-
men vnd thun darnach/ die liebet Gott zu der seli-
gkeit auß der vordienstlichen vrsach/ Das teyll
der vornünftigen creaturn die do gottes ruffung

vorwerffen / die hast Got zu der vordämniß auß
der vorschulten vrsach / Zum Sechsten in der ord-
nung auß dem das Gott liebet das menschlich
geschlecht das sein die außserwelten menschen /
vñ die do Gott hassen auß der vorschulten vrsach
die synt außgeschlossen von der außserwelung /
diese ding synt in Gottes erkentnis vñnd willen /
zu gleich ehe gottes werck die schepffung hat ans
gefangen / so syndt sie doch ordentlich eins nach
dem andern / also das der mensch erkenne gottes
willen / Paulus spricht Got ist ordentlich in sei-
nem willen / Paulus spricht / die ding die do sein **Ro. 13.**
zukünfftig / die erkentt Gott gleich also wol / als **Rom. 4.**
die do gegenwertig sein / Gott hatt von ewigkeit
erkennet aller menschen hertzen vñnd willen / die
vordienstlich vrsach die nötiget Gott nicht / das
ehr außgienge vom Vater in die welt / Christus
sprach / Zachee steigk ey lende herabe / heütt muß **Luc. 19.**
ich bleiben in deinem hauß / Zacheus hatt Chris-
tum nicht genötiget / Wen sich der mensch keret
tzu Gott wie Zacheus / so sich Gott vorpflicht
auß liebe das ehr wil bleiben bey dem menschen /
mitt seinen gnaden / was do geschicht auß liebe
das ist keine benötigunge.

Das Gott dem menschen vorkomen ist mit sei-
ner vorsehunge / wenn alle menschen kemen zu yhs
rem natürlichen alter / vñd Got lysz den mensch-
en allein vñd stünde yhm nicht bey mit seiner gna-
den / so kem kein mensch zu der seligkeit / Got wen-
det vill mittell der gnaden / dardurch ehr brenget
den menschen tzu der seligkeit / ein teill menschen

nimet er hinweg durch den dōdt weil sie vnmūn-
 dige Kinder sein / vnd in der jugent ehr sie kōmme
 in die erfarenheit der sūnde / diese hinweg nemun-
 ge der gleubigen / ist auß göttlicher vorsehunge /
 die andern menschen kōnnen zu irem natürlichs
 en alter / ein teill strecken ihr natürlich vormūgen
 tzu gottes gehorsam / die sterckt Gott mit seinen
 gnaden / die bleiben in gottes vorsehung / ein teil
 fallen in die sūnde / so weys doch Gott wenn ehr
 sie soll ruffen / mitt seiner gnade / das sie sich beke-
 ren von der sūnde widderūmb zu Gott / also hatt
 Gott auch die sūnder in seiner vorsehunge die do
 Johā. 6. seligk werden / Christus spricht nyemandt kōm-
 met zu mir er werde den gezogen von meinem vas-
 ter / Gott stet gegenwertig dem menschlichen ges-
 schlecht / vnd reicht dem die handt / vnd welcher
 mensch Gott widderūmb die handt reicht mitt
 der vorwilligung des guten / den zeucht der Vas-
 ter zu dem vordienst Christi / welcher mēsch Got
 die handt nicht reicht mit der vorwilligung / den
 Dsee. 13. zeucht Gott nicht / Gott spricht / hōre du Israel
 deine seligkeit ist auß mir / vnd deine vordūnnis
 ist auß dyr / der menschen seligkeit ist auß Gott /
 die Got / die handt reichen vnd Gott hilfft yhn
 das sie kōnnen zu der seligkeit / vnd der mensche
 vordūnnis ist auß ym selbes / darūmb / das sie
 die handt nicht thun reichen / wenn alle vornūff-
 tige menschen Gott die handt reicheten mitt der
 vorwilligung / so zōge Gott das gantz menschs
 lich geschlecht zu dem vordienst Christi vnd wur-
 den selig durch Christum / Gott gibet mannichs
 feldige gabe der gnaden / dardurch ehr hatt den

menschen in der vorsehung/ es nemen aber alle
menschen die mannichfeldigunge der gabe nicht
an/so weys doch Gott/das vill menschen mans
nichfeldige gabe der gnaden annemen vnd bleis
ben in Gottes vorsehung/Gott spricht ich habe
geplant ein weyngarten das ist die samlunge
der gleubigen/vñ ich wöst nicht was ich meinem
weyngarten thun solt/das ich yhm nicht gethan
habe/so brenget er doch mir saur fruchte/do zeig
get Gott an die mannichfeldige gnad der gabe/
vnd beklaget sich vber den menschen/das ehr die
gabe der gnaden nicht wol braucht.

Esai. 5.

Paulus spricht wir haben alle gesündigt vnd be
dürffen gottes gnad/ ist die bekerung des sünders
allein auß Gott/odder ist sie allein auß freywil
liger zuferung des menschen? Es ist ein vnters
scheidt zwischen der sündt/Es gescheen tegliche
sünden/die synt nicht groß widder Gott vnd den
menschen/solche sünde scheyden den menschen
nicht von Gottes gnade/Es gescheen todt sün
den/die scheiden den mensche von gottes gnad/
Christus spricht/der do zürnet vber seinen brus
der/der ist schuldig des gerichtts/das ist ein lan
ger zorn mit wolbedachtem willen vnd gemüte/
wer do spricht/racha/der ist schuldig des raths/
wenn der zorn kurtz ist/so wirt Gott nicht geun
eheret/der mensch wirdt nicht dardurch besches
dicht vnd wirdt nicht groß ergerniß geben/nach
dem als die sündt des zorns ist/so wirt ym ratth
beschlossen/der sententz der straffe vber die sün
de eins kurtzen zorns/der do spricht zu seinem ne

Rom. 3.

Matt. 5.

hesten oder bruder / du thor / der ist schuldig des
hellischen feürs / das ist ein zorn mit der vorfol-
gung des nesten / es ist ein sonderlich geschlecht
der sündler / dy do sündigen in den heiligē geist vñ
gottes gütigkeit die wil ich in der antwort nicht
gemelt habē / ich wil antworten von den sündern
nach gemeinem lauff / Es ist ein gemein bekerung
der sündler / vnd ist eyn sonderlich bekerunge der
sündler.

Wenn der mensch felt in ein dodt sünde so ist ehr
schuldig zusterben an leib vnd an der seele / vorlest
ehr das leben der gnaden / natürlich lebet ehr ein
zeit lang / Gott harret mitt gnad des sünders be-
kerung / die gnad gibet dem sündler also vil das er
sich freywillich kan wenden von der sünde vñ
kan sich widderumb keren zu Gott / wen Gottes
gnade den sündler nicht erhielt / so weisz dem sün-
der nicht möglich / das ehr sich allein auß seinem
vormügen köndt freywillich widderumb keren zu
Gott / also ist die bekerunge des sünders erstlich
auß gottes gnad / nachfolgende ist sie auß freiwil-
liger zukerung des sünders / Wen der sündler hat
ein widderwillen widder die sünde vñnd hatt ein
liebe zu gottes gerechtigkeit / bit Gott vmb barm-
Luce. 18. hertzigkeit / wie der offenbar sündler ym Tempel
gethan hat / er vordient nicht allein das ym Got
die gnad des lebens / der seele widderumb gibet /
er bereit sich aber zu den gnadē / David spricht /
Psal. 9. Herr erhöre die armen / vñ sibet an yre bereitung /
wen sich der sündler bekeret hat nach dem Christ-
lichem gesetz / wie Christus seine Kirche begabet

hat/nemet hyn den heiligen Geist/weme yhr die Joh. 20.
sund vorgeben seitt/dem sollen sie vorgeben sein/
wem yhr sie behalten seitt/dem synt sie behalten/
wenn die bekerunge gescheen ist/vnnd der sünders
hat das leben an der gnaden der seele widerumb
erlanget/so ist die bekerung vollkommen/der sün-
der sol glauben das yhm Gott noch solcher bekes-
runge die gnad des lebens widerumb geben hat/
Paulus spricht/dem gerechten ist kein gesetz ge- 1. Thi. 1.
ben/der gerecht thut williglich/was er thun sol/
den vngerechten soll man nötigen mit dem gesetz
zu der gerechtigkeit/das Christus die guten regis-
rer erhalten wirdt/ Christus spricht / Treib sie Luc. 14.
herein die guten vnd bösen das mein haus erfül-
let wirdt/mit Gottes straffe vnnd mit der straffe
des gesetzts wirdt vil sündern geben ein hülffe inn
yhrer gebrechligkeit das sie sich endtlich widder
umbkeren auß liebe zu Gottes gerechtigkeit.

Christus spricht/ Ich bin kommen zu ruffen die Matt. 9.
sünder vnd nicht die gerechten/die gerechten be-
dürffen nicht die ruffung zu der bekerung/das wirt
erkant ym Natanael/das was ein rechter Israe-
lischer mann/kein betriegligkeit was in yhm/der
was allein beruffen tzu dem bekentniß Christi/
Gott gab dem König Salomon grosse weisheit Johā. 1.
das er das volck gottes seliglich regirt/das war-
den Jüden ein gnad der ruffung / Gott schicket 3. Reg. 3.
denn Propheten Jonam in die statt Ninive/der
sprach/nu vber viertzig tage wirt Ninive vorfin- Jone. 3.
cken/das war den Ninivitem ein gnad der ruff-
ung/Gott der Vater hat seinen Son voreiniget

R

mit der menscheit / gesandt tzu den Jüden das er
denen vorbrecht das licht der warheit / das war
den Jüden ein ruffunge / Christus nach seiner
himmelfart hat ehr den Jüden gelassen seyne A-
posteln das sie die rufften zu der pusz vnd warheit
des Christlichen glaubens / die Jüden haben vor-
worffen Christus ruffung vnd seiner Aposteln /
Mat. 12. Christus spricht / die Königin von Saba ist kom-
Luce. 11. men vom auffgang der sonnen hat wolt sehen die
weisheit Salomonis / ist hie nicht mehr den Sa-
lomon? die menner von Ninive haben busz ge-
than vonn der predigt Jone / ist hyr nicht mehr
den Jonas / ist die weisheit Christi mehr gewest
den die weisheit Salomonis / vnd die predigt
Christi ist mehr gewest den die predigt Jone / vñ
ist nicht mehr gewest erstlich den ein eingang / so
ist die predigt Jone erstlich nicht mehr gewest
den ein gnade ruffunge / Die menner von Ninive
werden auffsten yn Jüngsten gericht / vnd wer-
den das vrteil Christi helfen bestetigen vber die
Jüden zu der vordamnis / darumb das die men-
ner von Ninive haben gottes ruffunge angenom-
men / vnd die Jüden haben die grosse Göttliche
ruffung nicht wöllen annemen / vnd wen die Ni-
niviter grossere gnad hetten gehabt in yhrer ruff-
unge / den die Jüden / so konten sie in dem letzten
gericht die Jüden nicht vordammen / darausz ist
zuerkennen das nach gottes ordnung vorgehet
die gnad der ruffung / wenn sich der freiwil keret
zu der ruffung / vnd den so gibet Gott gnad der
wirckunge / Christus spricht / Jerusalem Jerusa-
Mat. 23. lem wie oft habe ich dich wöllen vorsamlen / wie

ein henne ihre junge vnder ihre flügel / vnd du hast
nicht gewölt / wenn Gott dem sündler rufft / so ist
dem sündler möglich das ehr sich kan kere zu Gott
Gott hat gerufft die vngleubigen / ehr rufft auch
teglich die vngheorsamen / ein teil nemen Gottes
ruffung an / ein teil vorwerffen göttlich ruffunge /
es stet inn freyer willkore des menschen / Gott ist
die frey kendtlich weiszheit / ist nicht vnwissen / er
gebraucht auch keiner torheit / wenn gott den sün-
der rufft / vnwere dem sündler nicht möglich das
ehr sich kōndt bekeren / so were Gott vnwissend /
den gott wuste nicht das dem sündler vnmöglich
were sich zubekeren / vnd Gott ruffte den sündler
zu der bekerung / so gebrauchet Gott dorheit / als
so kan man erkennen wenn Gott den sündler rufft
so ist yhm möglich das er sich kan kere zu Gott /
Christus spricht / vill seyn geruffen aber wenig **Mat. 20**
auserwelt / das ist die vrsach das vill menschen
Göttliche ruffung nicht wöllen annemen / wenn
Gott ein teil menschlichs geschlechts het im aus-
erwelt vor der ruffung / vnd hett ein teil menschen
ausgeschlossen von der auserwelunge / so were
dem menschen inn der warheit gottes wort kein
ruffung / es wer nicht mehr denn eyn gedichter
schein / vnd sie kundten sich nicht zu kere zu gött-
licher ruffung / Got wil der gemein aller sündler /
barmhertzig sein / es spricht der Herr aller barm- **Ezechi.**
hertzigkeit / bin ich ein lebendiger Gott so wil ich **33.**
nicht den todt des sünders / ich wil das er sich be-
kere vnd müge haben das ewige leben / also ist zu
uornemen die enige bekerunge des sünders.

R ij

Got ist frey mit der gabe seiner gnad / er gibet die
ein teill menschen / sonderlich mit grösse / vnd bes
helt dieselbigen das sie nicht fallen in die sünde /
er ist auch ein teill sündern / sonderlich barmher
Exo. 33. zigt zu yhrer bekerung / Gott spricht / Ich wil
Rom. 9. barmhertzig sein wem ich will / dem ich meyn
gnadt hye gebe / dem gebe ich sie / do werden ein
teil sündern ausgeschlossen von Gottes barmher
tzigkeit / die sich nicht wollen teilhaftig machen
der gemeinen gnade göttlicher ruffung / Gott ist
ein straffer der erbsünde / Gott mag den mens
Diere. 1. schen besreyen von der erbsünde wen er wil / Je
Luce. 1. remias vnd Johannes die hat er gereinigt ym
mutter leibe von der erbsünde / vnd hat die geheis
liget / nach seinem göttlichen wolgefallen / Gott
vnd dye Jungfraw Maria die haben Christum
geben das er sey Messias / Gott der Vater hat ge
ben seinen einigen Son / die aller edelste seele / die
Jungfraw hat geben die aller reinsten blutz trop
fen von irem jüngst freulichē hertzen / Got der hat
seine gabe von im selbes / vnd hat diese gaben als
ein gütiger vater / die Jungfraw hat ire gabe von
Gott / vnd was schuldig widderumb die Gott zu
geben / als eyne gehorsame dyeneryn Gott yhrem
Herrn / also hat sie diese gaben geben als ein güt
tige mutter Christi / darumb das die Jungfraw
diese gabe Gott schuldig war zugeben / so ist sie
nicht würdiger den yhr Son Christus / dieweill
sie aber Got darzu vorsehen hat das sie solde sein
ein mutter Christi / so ist sie nach ihrem Son der
aller grösten würdigkeit yber alle creatur / im him
mel vnd auff erden / darumb das sie solcher gros

ser würdigkeit ist / so ist es gewis zuerkennē / das sie
Gott befreiet hat von der erbsünde / inn irem nat
türlichē entpfengnis / Gott ist almechtig / er vor
mocht das wol / er ist die ewige weisheit / er wo
ste wol wie er sie befreien wolt / er ist das vberflüs
sige gut / hat seine gütigkeit bey der Jungfrawen
nicht gesparet / das hat Got gethan ym zu seiner
selbest ehre / zu ehre der Junckfrawen / vñ zu ehre
der samlung Christlicher Kirche.

Der engel sprach zu der iungkfrawen / bisz gegrüß Luce. 1.
set voll gnaden / wiewol die iungfraw vol gnaden
gesprachen ist / so hab sye doch all yhr menschlich
vormügen gestreckt zum Gottes dienst / vnd dye
gnad hat yhr gelassen ein freyen rawm den dienst
zuuorbringen . Zu nehmen eyn gleichnis / Eyn
mēsch hat zuwandern eyn wege der ist scharpff /
vnd vbel gebent / welcher ist der wege zu der seligs
keyt / den der mensch aus seynem vormügen allein
nicht kan wandern vngesfallen / es ist eyn starcker
der gesellet sich zu dem menschen / aus sündertli
cher lybe / vnd wandert mith yhm den wege / so
lestt ehr doch den menschen yñ der wanderschaft
desz weges seynen freyen rawm zuwandern / ehr
weiß aber wenn dye ursach desz vahlis vorhans
den ist / so vmbriaget ehr den menschen / vnd er
helt den das ehr nicht fellt / also hat Gotes gna
de mith der iungfrawen gewandert / das sye keyn
sünde nie berurt hatt / do Christus alt war zwelff Luce. 2.
jar / vnd die Jungkfraw hatt den verloren / sie su
cht yhn vnder den freunden vñ vnder den bekans
ten / Gottes gnad saget yhr nicht / wue Christus

wehre/sye must yhr menschlich vormügen darzu
thun das sie yhn widder fand / darumb das yhr
demütiger dienst gegröst wurde / also hat auch
Christus yn seyner menscheyt gehabt eyn raum
den dienst des vaters tzuvorbringen. Christus
spricht / Wie mir mein vater eyn gebott gegeben
Johā. 14 hat / also thu ich / Vater ist es möglich / so nym
Luce. 22 von mir dysen kelch / nicht mein will / sunder dein
will geschehe / O mein Gott / O mein Gott wie
Mat. 27. hast du mich verlassen / ynn der voreynigung hat
die Gottheit dye menscheyt nye verlassen / das
die menscheyt hat gehabt den freyen raum / das
sie Gottes dienst vorbracht hat das menschliche
geschlecht tzuerlösen / also hat auch Gott den
Patriarchen / Propheten / Aposteln / vnd Apos-
terern / auch allen die gott beheglich sein sünders
lich gnad zugebē / denen Gott auffleget eyn gros-
sen gehorsam / denen gibet ehr auch grosse gnade
den gehorsam zuvorbringen / dem aber auffgele-
get ist der gehorsam nach gemeynem lauff / der
hat auch die gnad nach gemeynem lauff.

Wye Gott eyn theyl menschen sünders
gibet / also gibet ehr auch ein theyl sundern / sünd-
erliche gnad zu yhrer bekerunge / Christus sprich-
Mat. 19. t / Wie schwer ist es eym Reichen eynzuzugehen
yns reich der himmel / Es ist möglicher / das eyn
Kamel gehe durch eyn nadel ör / dye iünger sprach-
chen / wer wirdt aber seligē / antwort Christus /
was bey den menschen ynmöglich ist / das ist vor
Gott alles möglich / also kan Gott eynen sünders
bekerē / der do nicht den willen hat sich tzubekerē

ren/dyſe bekerung geſchiet mit einem ſolchen be-
ſcheid/ Gott gibet dem ſunder dyſe gnade / das
ehr gewint eynen haſs zu ſeyner ſunde / vnd eyne
lyebe zu götlicher gerechtigkeit / aus dem ſo ſtet
Gottes gnade ſtille/vñleſt den ſunder ſein frey-
willigen rawn / das er ſich widerumb keret von
der ſunde zu Gott/gottes wort offenbaret / das
die werck Gottes gabe ſeynd/wie eyne wage die
do helt eyn recht mittell ynn yhrer ordenung/also
helt auch gott eyn recht mittel mit ſeyner wirck-
unge in der bekerung des ſunders/in ſunderheyt
Gott iſt gewiſs ynn ſeynem vornemen / vnd kan
nicht felen/ehr weys wie vyl ehr dem menſchen ge-
nade geben ſal/vnd das der menſche ſeyn vormü-
gen dar zu thut/das ehr nicht ſundiget/ehr weis
auch wie vyl ehr dem ſunder gnad geben ſal/das
der ſunder ſeyn vormügen dar zu thut / vnd wirt
bekeret vonn der ſunde. Sara das weib Abra-
hams war vnfruchtbar/Gott gabe yhr ein newe
gabe/das ſie fruchtbar wart/ die newe gabe wir-
ckt allein nicht die frucht/ also iſt auch dem ſun-
der in ſeiner bekerunge / wenn ein menſch iſt ynn
gotes gnade/ſo iſt ehr voreyniget mit gottes wil-
len/vnd hat nicht im willen zuſundigen/der men-
ſch hat drey feynd/der eyn feyndt das iſt ſein eys-
gen gebrechliche zuneigung/wen der menſch got-
tes gnad zuhülff nimpt/ſo kan yhm die gebrech-
ligkeit der zuneigung nicht nötigen zu der ſunde.
Saul war voreyniget mit Gottes willē/ aus got-
tes gnade eyn Königt vnd Prophet / David eyn
Man nach Gottes hertzen/eyn Königt vñ Pro-
phet / Salomon eyn Königt vnd Prophet / was

Gen. 18.

1. Reg. 10
2. Reg. 2
3. Reg. 3.

R iij

begabet mit grosser weiszheyt / diese drey hetten nicht im willen zusundigen / die natur hat dyse drey geneyget das sie seind gefallen ynn schwere sunden / vormagk das die Creatur / vyl mehr vormagk Gott den sunder neygen tzu der bekerunge / vnd nötigen doch den sunder nicht zu der bekerunge / der mensch kan sich selber nicht erkennen wie ehr ist vor Gott / vyl weniger kan ehr erkennen / wye alle sunder seynd vor Gott / darumb so ist es vns möglich / das der mensch erkenne / worumb gott eynen sunder yñ sunderheyt bekeret / vnd den andern nicht / es stet ynn dem vorborgenen gericht

Hier. 17. Gottes hern / Gott ist eyn erkennner aller hertzen ehr weis welcher sunder yhm beheglich ist zu der bekerunge / ehr weis auch welcher sunder yhm misshiglich ist / das ehr yhn nicht yñ sunderheyt bekeren will.

Mat. 18. Gott hat alle ding in seinem erkentnis wie sie gescheen zum endt der welt / Christus spricht es ist von nöten das ergernis kommen / müssen auch alle ding gescheen die bösen szo wol als die gutten / was Gott erkēnet / alles das Gott will / auß gestrackten willen / das muß gescheen / was Gott wil vnd geschicht nicht / das wil er nicht auß gestrackten willen / was Gott wil das gescheen soll vñ geschicht / das ist von nöten das gescheen sol / das aber Gott wil das nicht gescheen sol / das geschicht auch nicht / Got hat gewolt auß gestrackten willen / die volkommende zall der Engel / wie Gott vollkommen ist / so wolt ehr auch haben ein volkomen geschafften reich / auß den vollkommens

den wercken der schöpffunge solten alle Engell er-
kennen die vberflüssige Gottes güte vñ solten sich
geben in Gottes dienst / Gott wolt haben auß ge-
stracktem willē das die Engell solten einen freien
willē habē / gott wolt alle engel solten im dienen
so haben alle Engel Gott nicht gedient / Gott
wolt es aber nit aus gestracktē willē / der frey wil
solt seinen vorgang haben / Gott wolt die Engel
solten nicht sündigen / so haben ein teil Engel ges-
sündigt / dieweill Gott nicht wolt die sündt der
Engel / so ist die sündt der Engel nicht von nöten
gewest / darumb das Gott nicht haben wolt / er
wolt es nicht auß gestracktem willē / der frey wil
sollt seyn vorgang haben / Lucifer hat allen Eng-
geln furbracht ergernis / alle Engel stunden ynn
yhr freien willkür / sie mochten die ergernis an-
men / sie mochtē auch die vorwerffen / ein teil Eng-
gell haben dye ergernis angenommen vñnd seyn
durch die ergernis beschediget mit Lucifer zu
ewiger vordünnis / ein teil Engel haben die erger-
nis Lucifers vorworffen / darumb sein sie Gott
behegliche worden / vñnd haben erlanget die ewige
seligkeit / das was aber nicht allein der wege das
durch die Engel solten selig werden / der schönst
Engel solt zum ersten Gott gedient haben / dar-
umb das er die gröste gabe der schepffunge vom
Gott entgegen hett / dieser Engel wart genent
Lucifer nach außweisung seines namens solt er
seyn gewest aller Engeln liechttrager mit seinem
freiwilligen dienst / durch ein gute vbunge mit ei-
nem guten ebenbildt / Gott hat eyn wolgefallen
in brüderlicher liebe / wenn die voreiniget ist mit

L

gottes willen/wenn sich Lucifer het voreiniget
mit allen Engeln freiwilllich Gott zu dienen/das
wer gewesen der wegt zu der seligkeit/darumb so
ist nicht von nöten gewesen die sünd Lucifers mit
seinem anhang.

Gott wil auß gestracketem willē das das mensch/
lich geschlecht sol erfüllen in gottes reich die zall
der Engeln dye von Gott gefallen synd / Gott
hat gewolt auß gestracketem willen/ das Adam
vñ Eua solten haben ein freienwillen/Gott wolt
Adam vnd Eua solten freiwilllich dienen/Adam
vnd Eua seind gefallen auß Gottes dienst/Gott
wolt es nicht auß gestracketem willen haben/gott
wolt Adam vnd Eua solten nicht sündigen/so
haben die gesündiget/dieweil Gott die sünde nis
cht wolde/so ist es nicht vom nöten gewesen das
Adam vnd Eua gesündiget haben/Gott wolt
es nicht auß gestracketem willen/der freywil solt
seinen vorgang haben/Gott wolt auß gestrack
tem willē/ das der vornünfftige mēsch nach dem
fall Adams solt haben einen freien willen/Gott
wolt das alle menschen solten bleiben in der einig
keit Christlicher Kirchen in dem glauben vnd inn
dem gehorsam/vnd solt das gantz menschlich ge
schlecht selig werden durch den vordienst Chri
sti/vnd den vordienst Christlicher Kirchen/sonst
were falsch das Paulus spricht /Gott will alle
menschen selig haben/ehr wil das nicht auß ges
tracketem willen/der freywil sol sein vorgang ha
ben/Gott wil die menschen sollē nicht sündigen/
so sündigen die menschen/dieweil Gott nicht wil

Tim. 2.

Dye sünd der menschen / so ist vonnöten das die menschen nicht sündigen.

Got ist gut / die sünd ist böse / diese zwey sein auß
hefftigst widereinander / die sünd kondt yn him
mel nicht bleiben / es kan auch nichts vnreins ein
gehen yns reich der himmel / Gott hat geweldig
alle ding in seiner handt / er mag es keren vñ wen
den wo er hyn wil / dieweil Got also hefftig wid
der die sünde ist / warumb lest er den die sünd zu
darumb lest chr die sünd zu / das er wil haben den
freiwilligen dienst der vornunfftigen Creatur /
auß der vornunfft erkent die Creatur was gut vñ
böse ist / auß dem freien willen krewt die Creas
tur zu dem gute ader zu dem bösen / Got hat den
Engel vollkommen geschaffen zu seinem göttlich
en dienst / das er Gottes dienst wol kan vorbren
gen / Gott wolt nicht das der Engel solt stil sten
inn der müßigkeit / er wolt das er solt fort gehen
inn dem guten / das er keme zu der vollkommenheit
der beständigkeit / Got hat den mensche volkom
men geschaffen zu seinem göttlichen dienst / das
er gottes gehorsam wol kan vorbringen / so wolt
Got nicht das der mēsch solt stil sten in der müß
igkeit / er wolt das er solt fort gehen inn dem gu
ten / das er keme zu der vollkommenheit der besten
digkeit / Gott hat den menschen vollkommen er
lost vñ den geordnet yn den stant der gnaden / das
er mit hülffe gottes gnad / kan beständig bleiben
inn gottes dienst / Paulus spricht / Got ist getraw
ehr lest den mensche nicht mehr anfechten dann
er widder steen kan / Er spricht / Ich vormag al

Apoc. 21.

1. Cor. 10
Phil. 4.

L ij

le ding / inn dem der mich sterckt / Gott wil nicht
das der mensch sol stil stehen in der müßigkeit / er
will das der mensch soll fort gehenn inn dem gus
ten / das ehr kome zu der vollkommenheit der bes
stendigkeith.

Adam ist geschaffen an dem morgen / auff denn
mittag ist ehr getrieben auß dem Paradis / es ist
zuuermercken das ehr kurtzlich vor dem mittage
gesündigt hat / was hat ehr denn gethan inn der
zeit ehe ehr gesündigt hat? ehr ist gestanden inn
dem müßig gange / Was solt er denn gethan ha
ben? Ehr solt Gott ehre / lob vnd danck gesaget
haben / von wegen seiner göttlichen gute / vnd der
wolthat die er von Gott entpfangen hatte / wie
Gott denn geerwirdiget wil sein von den Engeln
vnd von den menschen / hattes yhm denn Gott
auch befohlen? Gottes wort zeigt das nicht an /
seyn natürlicher vorstandt was yhm genugsam
darzu / das ehr erkennet gottes gute vnd die wol
that die ehr von Gott entpfangen het / denn ehr
was seer gut von Gott geschaffen / gottes wort
hat diese ordenung / thut die creatur das gute / so
offenbartz das gute / thut sie das böse / so offen
bartz das böse / so zeigt es nicht an weder das gut
noch das böse / das Adam vor seinem fall gethan
hat / darausz ist zuspüre / das er ist gestandē in dem
müßig gang / Got der vater hat gesehet den samē
menschliches geschlechts durch dy schöpffung /
do der sam menschlichs geschlechtes auffging vñ
wuchs zu gleich mit auff das vntraut / do sprach
Matt. 13. en die diener des Herrn / hastu doch guten samen

gesehet / wo kumpt das vnkraut heer / der Herr
sprach / do der mensch schlyff / do kam der feindt
des menschen vnd sehet das vnkraut / wen ist kom
men der feindt des menschen vnd hat eingesehet
das vnkraut : do der Teuffel Eue gab ergernis /
vnd Eua nam das ergernis an / do wart das vnk
raut gesehet / Eua schlyff nicht natürllich / sie
schlyff auch nicht wirklich / sonder sie hatte vor
der ergernis kein sünd vorbracht / sie hat geschlaf
fen ym der müßigkeit. Solche müßigkeit wyrt
Adam vnd Eua von Gottes wort tzugemessen.

Leiplicher fried ist gut / wen ihn der mensch wol
braucht / Alsdenn braucht er ihn wol / wen ehr sich
vbet in dem guten / wider das arge / so haben alle
mēschen leipliche fried zugleich nye wol gebraus
cht / wen der mēsch hat leipliche fried / so bleibet er
in der müßigkeit / auß der müßigkeit sucht er leis
bes lust / also kömmt der mēsch zu der sünd / wen
der mensch sündig ist / so ergert er seinen nehesten
auch zu der sünd / also wirt der hauff der sunder
groß / vñ wen sich der gerecht nit wil ergern lassen
so gewint der vngerechte ein haß zu dem gerechte
das ist der werlt gebrauch / ich habe euch von der
werlt erwelet (spricht Christus) darumb / so hast **Johā. 15**
euch dy welt / nach dem haß kömpt die vorfolgung
also ist vorfolgung in der welt / ym land / inn der
statt / in der gasz / in handtwerckē / in dorffschafft /
auff dem acker / vber dem disch / ym bett / vor dem
endt der welt wirt diese vorfolgung am grōsten
werden / ergernis ist an ihr selbst böse / vorfol
gung ist ergernis / durch die ergernis wirt der

mensch aufferwegt / vonn der müßigkeit / wenn
der mensch geergert wirt so stett er inn freyer wil-
für / williger ehr von der ergernisz / so bringet ym
die ergernisz nutz vnd frummen tzu der seligkeit /
darumb das er das ergernisz vorwirfft / vorwilli-
get er zu der ergernisz / so bringet ym die ergernisz
schaden zu der vordünnis / darumb das er willi-
get tzu der ergernisz / die ergernisz der vorfolgung
zerstört den menschen in leiplichem friedt / das er
nicht felt in ein sundtliche fried / Zu der zeit Noe
Gen. 6. waren alle menschen in einem sundtlichen fried /
ausgeschlossen Noe mit den seinigen / Die So-
Gen. 19. domiter warn alle in ein sundtlichen fried / auß-
geschlossen Lott mit den seinigen / darumb ist ers-
gernisz vonn nöten / das der mensch auffgewegt
wirt von der müßigkeit tzu der vbung des guten /
Zum andern ist ergernisz von nöten das alle men-
schen nicht eintrechtlich komen inn sundtlichen
fried / es ist aber der wegt dadurch die menschen
wandern tzu der seligkeit / Gott hat wolgefallen
in der einigkeit / brüderlicher liebe die voreiniget
seynd mit Gottes willen / wenn alle menschen ei-
nig wern in brüderlicher liebe / vnd blieben auß-
liebe in gottes gehorsam vnd in der warheit des
glaubens / das ist der weg dadurch alle menschen
Mat. 18. kondē wandern zu der seligkeit / Christus spricht
D we der werlt vonn der ergernisz / es ist ia nott
das ergernisz kommen / wee aber dem / der erger-
nisz gibet / wenn alle menschen sich vbeten in dem
guten / vnd stunden nicht müßigt / so wer kein
ergernisz von nöten.

Gute gedancken bringen guthen willen / Guter
wille bringet gute werck / Gute wirckunge ist ein
gute vbunge / gute vbung ist ein gut ebenbild / ein
gut ebenbild bringet nutz vnd from bey einer gan-
tzen christlichen samlung / Böse gedancken brin-
gen bösen willen / böser wille bringet böse werck /
böse wirckunge ist ein böse vbung / böse vbung ist
ein bösz ebenbild / Ein bösz ebenbild ist ergernis /
Ergernis bringet schaden bey einer gantzen sam-
lung / O mensch vermeide ergernis bey dem ewi-
gen wee / vnd rette deyne seligkeit durch eyn gut
ebenbildt / Christus spricht / ewre werck sollen **Matt. 5.**
leuchten vor den menschen / ihr solt brennende lus **Luce. 12.**
cern tragen in ewren hendē / das sie sehen ewre gu-
te werck / auff das do geerwirdiget werd ewer Va-
ter der im himel ist / wen der mensch das gute wir-
cket in dem geist / so sey er vorsichtig das er nicht
fall inn geistliche hoffart.

Das Concilium hat auffgericht ein gezirten gots
tes dienst / das ist ein gute vbunge vnd gut ebena-
bild / Wenn man Gott dienet auß liebe / nicht als-
lein in eusserlicher vbunge / auch mit der warheit
ym geist / diesen gezirten Gottes dienst vorwerff-
en die do widdersprechen dem Concilio / vnd ge-
ben Gott eyn ehre dye ehr nicht haben will / sie
sprechen / der mensch wirt allein selig auß Gots
tes barmhertzigkeit durch den vordienst Chris-
sti / on den vordienst des menschen / wenn Gott
den menschen wolt seligen on vordienst Christ-
licher kirchen / so het er das gantz menschlich ges-
schlecht geseliget / darauff kan man erkennen /

L iij

das Gott diese eher nicht haben wil/das er den menschen seliget on den vordienst Ehrlicher Kirchen/vor der zeit Christi seind befunden wurden falsche Propheten/die gaben Gott ehre die er nicht habē wolt/Gott spricht/Ich darff ewas
Hiere. 23 er lügen nicht. ¶ Dyese widderprechung wirdt geschmückt mit einer lügenhaftigen demutt des menschen/inn dem das sie sprechen/der mensch vormüge nichts gutes tzu thun/allein auß dem glauben wirdt der mensch selig/das zu einem gezeugnis/legen sie darnidder den freien willen des mēschen. Wen der mensch nichts gutes vormag so vormager auch nicht zu glauben/wircket Got alleyn den glauben in dem menschen/so wirt der mensch Gott nicht beheglich auß dem glauben/
Rom. 1. das ist widder den spruch Pauli/thut der mēsch etwas darzu/das er gleubigk wirt/Magister wo hebet sichs denn an/den in der vorwilligung des menschen? Wo kumpt das her/das die mensche so mannichfeldig vnderscheidē seint ym glauben den auß dem freyen willen? alles das lügenhaftigt ist/das ist Gott nicht beheglich/also auch die lügenhaftige demuth.

Der mensch ist Gott schuldigk zu bezaln die erbsünde/so vormag er Gott nicht zu bezalen die erbsünde/so hat im Gott auß gerechtigkeit auffgeleget zu sterben vor die erbsünd/so mag der mensch willigen zu gottes gerechtigkeit/mag willig sterben/er mag auch vnwillich sterben/der mensch ist Gott schuldig ein reinen dienst/wie Gott ein reines gut ist/der tage des menschen sint vill/

der mensch ist geneiget zu dem argen / also kan er
nicht vorbringen ein reinen dienst / so hat Gott
ausz gerechtigkeit auffgeleget den dienst des ge-
horsams / nach des menschen vormügen / mit
hülff Gottes gnad / vormag der mensch vorwil-
ligen zu Gottes dienst / er mag auch willigen von
gottes dienst / der mensch ist Gott schuldig zu be-
zaln sein wirckliche sündt / so vormag der mensch
Gott nicht bezaln seine wirckliche sündt / so hatt
Gott ausz gerechtigkeit dem menschen auffgele-
get die pusz zuthun vor seine sünd / nach des men-
schen vormügen / so mag der mensch willigen zu
der pusz / vnd magt sein sünd selber straffen / ehr
mag auch willich annemen die straff der pusz / er
mag auch nicht willigen in straff der pusz / wenn
der mensch sein war nymmet vnd erkent sich sel-
ber das ehr Gottes gerechtigkeit nicht kan bezal-
en vnd erkent sich also arm ym geist / vnd betrü-
bet sich von wegen der sünd / hat ausz liebe ein be-
gir das er wölle göttlicher gerechtigkeit bezalung
ge thun nach seinē vormügen / dem selbigen mens-
chen wirt zugeleget werden / das Christus sprich **Matt. 5.**
cht / selig sein die armen des geistes ir ist das reich
der himmel / selig seind die sich betrüben / sie wer-
den getröst werden / selig seind die do hungert vñ
dürst nach der gerechtigkeit / die werden gesetti-
get werden / wenn der mensch barmhertzig ist ke-
gen seinem negesten / vnd dienet Gott mit einem
reinen gewissen / den so möht yhm zugeleget wer-
den / das Christus spricht / selig seind die barm-
hertzigen / sie werden barmhertzigkeit erlangen /
selig seind die do seind eins reinen hertzen / die
werden Gott sehen. **AD**

Man soll Gott eheren in seinen heiligen / Wenn
man die heiligen eheret / darumb das sie seindt
Gottes diener / inn dem reich vor Gottes anges
sicht / denn so eheret man yhn yn seinen heiligen /
Wenn einer gibet dem andern ein gabe der gutig
keit / so ist yhn der ander schuldig tzu eheren / die
heiligen haben vns geben ein gutt ebenbildt / ein
teil haben erlanget yhren letzten abschiedt / in yh
rem gehorsamen dienst / ein teil haben erliden die
marterschafft von wegen der gerechtigkeit vnd
der warheit des glaubens / vnd haben Gott ges
dient / also hebet Gottes wort an / Ann Abel
dem gerechten vnd offenbart das gute ebenbildt
der heiligen / das ist dem menschen ein gut eben
bild der lere / die heiligen teilen mit dem menschs
en iren vordienst / In dem gebet des Vater vnfers
das vns Christus gelernet hat / erwirdiget man
Gott in der gemein / vnd bit Gott vor die christa
liche samlung / wie der dienst Christi ist ein ges
meiner dienst der Christlichen vorsamlunge / als
so ist ein gemeiner vordienst der Christliche kir
che fruchtbar gemacht / auß dem vordienst Chri
sti / vnd ist geerwirdiget mit Gottes gnad / Es
ist ein Argument der widdersprecher / der heilig
hatt nicht von yhm selbst den himmel vordient /
weil yhm sein dienst zu wenig ist / wie kan er mit
teilen einem andern seinen vordienst ? dem heilie
gen ist tzugeeigenet der vordienst Christi / also
hat er in vberflüssig mit seinem vordienst / Chris
tus spricht / ihr / die yhr vorlassen hat alle ding
vmb meinet wegen / yhr solt es hundertfechtig
wider haben / vnd dartzu das ewige leben / das ist

Mar. 10.

vberfluß der heyligen vordienst / Christus sprich
cht / Seligk seidt yhr / wenn yhr vorfolgunge leit Matt. 5.
vmb meines namens willen / freuet euch vnd fro
lockt / ewer belonungk soll seyn vberküssigk ym
reich der hymmel.

Gott ist stett vnd vnuandelbar mitt allem seynē
Göttlichen wesen / auch inn seinem Göttlichen
willē / ist ehr vnuumbkerlich / Gott hat auß seinem
steten vnuandelbarn willē geben Adam vñ Eua
ein freien willen ym Paradisz / tzuuordyenen ad
der tzuuorschulden / Also hatt ehr auch der vor
samelung seiner Ehrstlichen kirchen / den freyen
willē gelassen / durch gehorsam ader vngehorsam
tzuuordyenen adder tzuuorschulden / wenn Gott
dem menschlichen geschlecht nach dem fahl
Adam / heth genomen den freyen willenn / so
hette Gott seynen stetten vnuandelbaren wil
len vmbgekereth / vnd wer wandelbar worden /
wenn ehr wer wandelbar worden / so were ehr
nymmer Gott / so weren alle dingk tzu nichte
worden / denn ynn Gott werden alle dingk er
halten / also groß vneheret der widersprechen
de glaube in seinem beschliesz / Gott / als wer ehr
nimmer Gott / also offenberlich ist dieser glaube
falsch / als einer sprech / alle dingk seyn tzu nichte
worden. Ehr beschleust auch ynn sich die vneher
aller heyligen / in dem das die heyligen nichts sol
len vordyut haben / Eyn vorthümpter engell vñ
mensch der ist vorhartt in seyner boszheytt / das er
nicht willigen kan das gut / darumb hat ehr key

nen freyen willen / so wirt ehr vorgleichet eynem
vorthumpten menschen / also beschleust ynn sich
der widersprechende glaube die vnehr aller mens-
schen auff erden / die menschen dye also glauben /
dy geben yhm selbst vnehr / das im der mensch sel-
best gybet vnehr / das ist wider die natur / also bes-
schleust yn sich der widersprechende glaube mans-
chfeldigt Gottes vnehre / vn ist doch im mensche-
lichen ansehen als wer es Gottes ehre / vñ besch-
leust in sich die vnehr aller heiligen / vn die vnehre
aller menschen auff erden / das ist ein gewisz war-
hafftigt zeichen das ehr ist eyn falscher glaube /
der glaube des Conciliums schleust aus alle disse
vnehre / vn schleust in sich Gottes ehre / vn erwir-
diget Gott von wegen der gutigkeyt seiner gabe /
die weil der frey wille ist in Gottes gabe / do mitt
begabet ist der Engell im hymmel / der mensche
im paradeis / der mensch auff erden / vnd Gott
ist zuerwirdigen von wegen der gabe seyner gut-
tigkeyt / aus dem grund Göttlicher warheyt ge-
be ich dyese schriftliche wortt von der dritten
frage an bisz hie her / zu antwort / das Gott ges-
lassen hat dem menschlichen geschlechte / nach
dem fall Adams eynen freyen willen / Gott hat
den menschen geordnet ynn standt der gnaden /
hat dem menschen vornünftigen vorstandt ge-
geben zu hülff Gottes wort / das ehr kan sey-
nen freyen willen wenden ynn Gottes willenn /
ehr kan yhn auch wenden von Gottes willen /
Also will ich beschlossen haben die antwort vber
die dritte frage. Gott dem vater / Gott dem son /
Gott dem heyligen geyst sey ehr vnd preisz ynn
ewigkeyt. Amen.

Beschluß red.

Die weil ich Conrath Bockshirn byn ein ley vñ
yemant möcht fragen / das ich mich vnterwynd /
mit schriffen beyzustehen dem waren Christli-
chen glawben / meyn gewissen strafft mich nicht
darumb / das ich das thue aus fürwitz ader aus
hoffart. Ich byn angeregt aus Gottes genaden
das ich solde das erkentnis meines glaubens auf
alle menschen offenbaren / das weiß ich auff keys-
nen andern wege zuthun / denn durch schriffen /
Gottes wort hat gedungen meyn gewissen vnd
gemüth / Das ich das pfand der genaden nicht
soll binden vñ ein schweisztuch / das begraben in
dye erden. Ich soll mith dem pfunde des Herrn
erbeythen / vñ gewyn suchen / Aus solcher guther
meynung hab ich disz Büchlein vorbracht meys-
ner oberkeyt mith gunst vnd wissen der selbigen /
las ich disz büchlyn ausgehen. Ich habe es auch
dahyn lassen gelangen / das die hochuorstedigen
haben erkant / das dieszer Christliche sinn mitt
der warheyte vbereyn kumpt. Wen yemant wolt
haben ein vordries / das ich dem glawbe beystehe
mith schriffen vñ ein ley bin / nicht von den men-
schen darzu geruffen / die mügen zu hertze nemen
das für mir auch leyen gewest / die dem glawben
seynt beygestanden. Es habē sich auch menschen
gegeben vñ ferligkeyt yhres lebens / das sie haben
vortretten Gottes ehre / vnd haben gerettet das
glewbige folck. Mardocheus hath mitt Amou
gestoltzirt Gott zu eren / der was eyn marschalck

M iij

des Königs Aschweri. Mardocheus yñ der stoltz-
irung ist obgelegen dem Amon / das edele thu-
gentsame weib Hester ist nicht geruffen tzu dem
König Aschwerus / Hester hath gesucht Gottes
ehre / vnd hat gerettet das gleubige folck / das ho-
chberümpfte weib Judit hat sich vnderstanden /
den fürsten Holifernes sein heupt abzuschlahen
Judit ist nicht darzu geruffen / aus lieb die sie hat
gehapt zu Gott / hat sye sich selbs dartzu gedrun-
gen / vnd hat gerettet das gleubige folck . David
weil der noch war eyn schaffhirt / hat er zuerke-
nen geben seynem eldisten bruder / das ehr wolt
mit dem grossen Holiat kempffen / seyn bruder
hat yhn vbel geschulten / hat yhn geheissen einen
hoffertigen menschen / der da was ein man nach
Gottes hertzen vñ willen / Also ist zuuormercken
das mancher hoffertiger einem andern tzumisset
die hoffart / der nicht hoffertig ist / also wirt ges-
felscht ein falsches vrtheyl . Ein mensch kan ni-
cht erkennen des andern menschen hertzen gemü-
the / Christus hat gegeben eyn zeichen / das man
das erkent / aus vberflüssigkeyt des hertzen redt
der mundt / darbey erkent man des menschen her-
tzen gemüth / Christus gibt vns dyseler / das der
mensch sal erstlich sehen / das groß yñ seinem aus-
ge / ehe ehr das kleyne strafft ynn eyns andern aus-
gen . David hat sich nicht abwenden lassen von
seinem guthen fürnemen / darumb das yhn seyn
bruder hatt vbel gescholten / ist gegangen für den
König Saul hat begert mit Holiad tzu kempffen
Holiad vortrawet ynn seine natürlichen stercke /
David vortrawet ynn seynen Gott Israel / vnd

ist ynn dem kampff sighefftigk worden / hat ges
rettet Gott zu eren / das gneubige volck / David
ist nicht geruffen das ehr solt treten yn den kam
pff / daraus haben wir / das man vnd weib beyde
haben beygestanden der warheyt des glaubens /
Darumb ist meyne oberkeyt tzu erwirdigen vnd
zu loben / das mir vorgunth ist / disz buchlyn aus
zugehen lassen / vnd alle die yhre gunstige hulffe
haben mittgetheylt / die warheyt tzu stercken. Es
spricht der Herr / der do ist vonn ewigkeyt / Ich
heisz Gott / also ist mein nam / vnd mein ehre geb
ich keynem andern / Wen Gott eynem menschen
ehre gibt / so magk ein mesch Gott darumb danck
sagen / yn yhm die nicht zuschreiben / yn sich dar
an nicht vorhindern lassen / Das man sagen wil /
Es sal eyn itzlicher wie sanct Paulus sagt / bley
ben wie ehr geruffen sey / Wer weis wartzu eyn
yeder beruffen ist / vnd was Gott enthlich mith
vns machen will / darumb sollen wir stetigs be
reith seyn / vns ynn dem guthen zuuben / wir seyn
was stands wir wollen / das hat mich auch geur
sacht / dis buchlyn an den tagk tzugeben / damith
ich mich solang gepeinigt hab / bis ich mich erwe
gen hab / solichs an die oberkeyt gelangen tzulas
sen. Die weil auch itzt so mancherley yrrthum zu
weg gehet vnder dem Christglewbigen volck / yn
itz auch etzliche Prediger vnd andere geachte
leuth / an vilen orthen den weg tzu dem vorthum
nisz predigen / vnd ausschreiben / Adder yhr eyns
theyls ja die warheyt vor schweigen / ader har vns
der woll schlagen / yn also mengen die luge vnder
die warheyt / yn das giff vnder die ertzney / eins

¶ iiii

theyls aus forcht/vñ eyns theyls aus heuchlerey
auch eyns theils vmb yhres eygen nutztes willen/
Darumb were nicht wunder/das Gott die leng
ge/aus vorbit fromer menschen/sich würde vber
seyne eynfeltige vorfürte Schesleyn erbarmen/
vñ nicht alleyn eynfeltige lewt erwecken/die wars
heyt dargegen würden reden vñ schreiben/Sun
der das auch tzuletzt die stein schreien würden/
die weil vyll derer/den es beuolen ist/stillschweis
gen/darumb hab ich das mein gethan/aus Chri
stlicher liebe/Was ich also geschriben hab/das
will ich on alle mittel/der heyligē Apostolischen
Christlichen Kirchen / tzurtheylen vnderworfs
fen haben.

Mensch nym Göttlicher wolthat war
Mitt dienst bisz danckbar/es ist klar
Aus Gottes wort/ das für wolthat
Ehr von vns dienst gefürdert hat/
Den saltu leyten willigklich
Das rat ich dir gantz hertzigklich.
Denn wie ich meyn ynn trewen mich
Also meyn ich von hertzen dich.

Auff Conradt Bockshyrns vorles
gung. zu Leiptzig gedruckt/durch
Adelehor Lotcher / Anno dñi
M. D. LXXIIij.

Correctorium.

A iij. auff der andern seyten ynn der ersten linien
Lis Creaturen lieb.

B ij. auff der andern seyten ynn der 24. zeil. Lis
Disen menschen.

E auff der erste seiten in der 19 zeil lis dy warheit.

E iij. auff der andern seyten in der 23 zeil Lis ad
der vngheorsam.

f auff der ersten seyten ynn der 14 tzeil. Lis mer
schuldig.

f iij. auff der ersten seyten in der 10 tzeil. Lis er
langet den eyngang.

f iij. auff der andern seyten ynn der 12 tzeil. Lis
das ist nicht eyn irriger.

f iij. auff der andern seyten in der 24 tzeil. Lis
In einer Summa.

H iij. auff der ersten seyten in der 17 tzeile. Lis
Wer dise gabe.

H. auf der andern seiten in der 29 tzeil. Lis das
ehr ist Gott.

H ij. auff der ersten seyten ynn der 28 tzeil. Lis
Christo eingeleytet.

H ij. auff der andern seyten ynn der 3 zeil. Lis der
do vnfruchtbar.

H ij. auff der ander seiten ynn der 14 tzeil. Lis
dahin strecken.

J iij. auff der ersten seyten ynn der 21 tzeil. Lis
so wil sich Gott verpflichten.

J iij. auff der ersten seyten ynn der 30 zeil. Lis
der genaden für.

J iij. auff der andern seyten yñ der 28 tzeil. Lis
Sonder ehr bereit sich auch.

J iij. auff der andern seyten ynn der 29 zeil. Lis
vnd sihe an yhre bereytung.

K. auff der andern seyten ynn der 14 zeil. Lis die
weißheyt.

K iij. auff der ersten seyten ynn der 12 tzeil. Lis
So hat sie doch.

K iij. auff der andern seyten ynn der 6 zeil. Lis
nötiget doch.

K iij. auff der andern seyten ynn der 23 tzeil. Lis
gestracktem willen.

K iij. auff der andern seyten ynn der 25 tzeil. Lis
gestracktem willen.

K iij. auff der andern seitten ynn der 29 zeil. Lis
gestracktem willen.





Jf 4137

X2210854

me







B.I.G.

Farbkarte #13

ftige erwey=
illens vñ annemung
Christlichen guchen
iger göttlicher schrifft
ē vrsachē / von Con=
rn eynem einfaltigē
s vnuernemenden Bürger/
dwercks zu Leiptzig/
yffer / vñ trancksal sei
wunderbarlich zusas
ot / ynn diessen Ira
hen / nützlich vñ
h zuleszen.

18/29. 22.
g den klugen vnd weys
/ vnd den einfaltigen
ort. Mathei. xi.

